

Ibiruhiyaapi Utipiho

Kimandi Ipiruhiyaapi Utipimandapi Nesipihande

Kinaungwiha 60-70 A.D. hura Porihoeti isihiya usaareti Kimandi utipimandi jipatipaiwihande. Utaaho wo isihiya Ipiruhiyaapi kimo utipiho jipatipiyahore. Autaahaatiho daihira nuwati jiji japwaatosati daihira kira isihiyai nunjataise isihiya sawaho Koenda napitaatiwihiraaro. Daihira jahirihira sira winihapipa atiwi nepi winihapipa katirihireti japepihiritaatiwihiraare. Siyatitihandi kandi kimandi utipimandaatihi ami utaaho utipimo kimo jipatipaisiho Autaahaatiho daihira wanihira nuwati japwaasirihiraapi katati jipatipiyataise. Daihira wanihira Autaahaatiho katirihira sira Jisaasihomi napwindihandaahi komi jipitapaahi daihira nuwati japwaataise. Kimandi utipimandaatihapi sandaase, daihira sira Autaahaatihoapihapi nairihira sira apipaahi akitihira gaahiraare. O daihira jahirihiraahi siyahiraamaahe owetise. Aihii daihira sira wanihiraapi Isiraherihiyai giwunyaata nusesipatitandi kandapi utaaho wo kimo utipimo jipatipiyataise.

Ibiruhiyaapi Utipihopi Napimasataise

Utipiho kimo jipatipaisiho Judaahiyai ipihirete gaahuraare undisiha (1:1-3)

Enjerihiya Autaahaatihomi otipipatihya siya apipaahi
awaisawihyaamaahe, owetise. Kiraisiho sawahohi apipaahi
Awaisihore tati katisiha (1:4-2:18)

Kiraisiho so apipaahi awaisiho pirisiho nahaataapai daahema akitinihi
autaahi nuwaataati bindataise. O ami pirisihiya nahatiyaahi
yatihii mihaapi bindawaayopo

Daihira wanihira Autaahaatihoapihapi nairihira sira Jisaasiho nuwati
japwaasirihira sira akitihira apipaahi gaahirandaati daihira
jahirihiraamatiyahiraamaahe tisiha (8:1-9:28)

Kiraisihomi jipatipati isihiyaapi nunyainjipati sati apipaahi akitihati
gaahate. O ami wapa Autaahaatihoai gaahoye gaare undiwi
nunyohipipa sapa kati jipatamatiyahapaamaahe tisiha
(10:1-31)

Jihura isihiya Autaahaatihopi giwunyaahohiyihyaamatiyaati nyangisangi
biyaati giwunyaawaati kiyaami ipoti niwipinjai nutihaawo tati
katisiha (11:1-12:29)

Utaaho kimo utipimo jipatipaisiho piwiha kiha kiha katati ami
nyangi gaahaiwa kaiwise nyatati ami komi piwiha
osasepihaasitihandapiha (13:1-25)

Autaaahaatihomi Mwaaho Nyangi Autaaahaatihomi Piwiha Kanyatataase

1 ¹Autaaahaatiho jihi aimehura nyahi Judaahiyaanamami asoya asisa jihiyaisi Autaaahaatiho isihiya piropetihiya komi piwiha atiwi nepi kopi awusaahohiyihyaamihetapi taahiwaiwaara pihitati taahirihiretapi kihura kihura piwaundataase. Iyati ko kiyai komi piwiha kaundataase. ²Ami jihuraahi ko sainjahondaahandi kandi wani kimura asisi kimaiwa ipotimaiwa Jisaasiho yapipataapihi nasatati yamihapataatihapi japihi naihi nyahi taawa bimaami niyohiwimaiwetihisi Autaaahaatiho Komi Mwaahoetapi nyangi aimi piwaanyatataase. Iyati Mwaaho katati kaimbipaaraahi nyangi piwaanyatataase. Iyataati Mwaamo Kimi Koaisi Autaaahaatiho namihanataise ami kahapaamapipa nahataapa Autaaahaatiho ko Mwaahoai numwitandi gwinyaati kawimbipa nehonihi ami kapa noaipati titihi ko sawahomihapaimatonihisi ami ko jatitando. Iyataati ami nahataapa kahapaamapipa kimba ahotimi naimbipa Komi Mwaaho kimi koaisati maasuni ami komihetapuni kiyati ahaihihapaare. ³Iyataati Mwaamo kimi ko Autaaahaatihomi nausainjitihandi ami gaahandi isihiya maariho noamapi apipaahi gaahoe tiwi koai winjaitaatiwihandi komiheti ahotahosi Autaaahaatihomi nausainjitihanduni ami gaahanduni komihetapi ausaimaninataise. Aihisi nyahi Autaaahaatiho apipaahi sanahiwetati gaahoe taati mmonaati gwinyaahaayo. Iyataati Mwaahoaisangi titihi Autaaahaatiho Sawahomatetahoe. Iyati ami komi piwiha apipaahi watipihaasi kaaraahi kahapaamapipa nahataapaisi neti anditiwa anitisati isiwatihisi kapa ahotimi notaise. Iyati ami nyami maipihaiwa Autaaahaatiho nenyamati nyangi neti titihi popitihyaanenyamaitandi ko otipipati kiyati daihira daahiwati titihemati aimi owetihisi nyahi nga noaipawaati titihi popi tihyaanimatitihahaamwaañitihisi ko niyati mihaati yamihapataatihisi nehi ko sawahohi Jihisi Awaisiho Isihiyaisi ami wapaisangi nusatipihaati mihaati Autaaho neti Koai Awaisihoemwati wandihisi numwihisi ko neti Awaisihoematati Autaaahaatihoaisati maasi kahapaamapipa jaati bindataise.

Autaaahaatihomi Mwaaho Autaaahaatihomi Itipihiya Enjerihiyaisi Nusatipihaati Ko Apipaahi Awaisihore

⁴Ko Autaaahaatihomi Mwaaho siyati sapihisi bimihisi Autaaahaatiho koai ambipati apipaahi gaahati awaipati nunyataise. Iyataati sati ambiti Autaaahaatiho koai numwipiti Autaaahaatiho komi itipihiya

enjerihiyai ambipati numwipati daahemwa nusatipihaahati nunyataise. Iyati ami ko komi mwaahotihhi Sapiho koai neti autaahiwisihhi noaipati kiya Autaahaatihomi itipihiyai komi ambipati kiyaamihati nusatipihaasipatamatiyati nusatipihaati apipaahi Awaisihoematati watipihandi neti ami ko kahapaamapipa nahataapai gaamati jatataise. O ami enjerihyaahi nehi otipipatihya Autaahaatiho komi piwiha isihyaapi numwihi nesi daiwi kaundiwi nuwi napiwiyohiyihyaare. ⁵Iyataati ami Autaahaatiho komi otipipatihya itipihyaami woaisi maahiwuraanihi satati kaundise?

“Kinyi nisi maasihonjitihi nini wani noaipati kinyi gapihoninimatataayo,”

Aunihihiri 2:7

undati kaundise? Owe. Apipaahi owetise. Iyataati ami Autaahaatiho komi otipipatihya itipihyaami wopi maahiwuraanihi satati katise?

“Nini noaipati komi sapihoninitisanihi ami ko noaipati nisi maasihohematitaise,”

2 Samweriho 7:14

tati katise? Owe. Apipaahi owetise. Ko satati wura windi kamaatise.

⁶Ami komi Mwaaho jiho bwandipihho nehi naasopaahi koai maapi yapimbataapihi isihyaani bimohipimbihhi natausaasihhi napisura Autaahaatiho satati katise:

“Nisi otipipatihya itipihya nahatiya koai mepi autaahepumwapi komi ambipati niwimaapise,”

Aunihihiri 97:7

tati katise. ⁷Iyataati ami ko komi enjerihyaapaahi satati katise:

“Autaahaatiho komi enjerihiyai neti itipihho mbipaamatyahiyemati ami sisiha twihitihiri paanihaati watipihramatyahiyemataise,”

Aunihihiri 104:4

tati jipatipindise. ⁸O ami Komi Mwaahoaisaahi satati kaundataase.

“Autaahaatihone, Kinyi kijihoni awaisihonimatipi nasisoari jinjapihi konjinihi bimitaise. Aimbi ami kinyi kinyi isihyaaisi titihireti winjatitaise. ⁹Aimbi ami kinyi isihya titihitahapa kiyohiyihyaapi maaritimapaapi ami isihya titihimetihapa kiyohiyihyaapi windi maarimitipihone. Kinyi sainihi ami kandapi Nini kinyi Autaahaatihonini gisi neti autaahihiti ambipati awaipati kisaahoyai nunyohipati nusatipihaahati gisi nahinyataayo. Aindi nini gisi maarititaapihandi nahinyonihi ami kandapi kinyi kinyi kisaahoyai nusatipihaapi apipaahi awaindahandi maaritapaise,”

Aunihihiri 45:6-7

tise. ¹⁰Iyataati ami piwiha wapihi jipatipindisihaatihapi Autaahaatiho jihaati kopi sandaase.

“Awaisihone, kinyi jihi wuwanihura kimati yapimbati kaimbi ahiyapaise. Aimbi ami yamihapatisangi kinyi kinyi ikwiraahi kaimbi ahainihate. ¹¹Ami kinyi saiwa kaimbi ahaingiwimaiwaahi windi kaiwaanihi ahimotitaise. Nosasinati neti yamihapatuni

ami yapipatuni owetitaise. O ami kinyihi konjinihi nasisoaari bimitaapihore. Ami kapaahi apotihiri japwimaninjihisihiya namaayopi namahohipatamatiyati japwimaninati owetitaise. ¹² Siyati yapipati yamihapati kapa japwimaninati jahipipaimatonihisihi kinyi nepi kapai yutihiri apotihiri nepi napipotimaniji ahiyohipatamataimbi nepi napipotimaniji yandihisihi ahaitaise. Aimbi ami isihiya yutihiri apotihiri asipipa japwimaniji ahaitaatiwi jihapa namahopatamataimbi jihapa nemapi asipipa japwimaniji ahaitaise. Saiwa siyataahandi kandi kinyihi wanuni ipoti ipotuni konjinihi nasisoaari bimaami nopwaatitaise,”

Aunihihiri 102:25-27

tati jipatipindise. ¹³ Iyataati ami piwiha jipatipindisihaatihapi Autaahaatiho komi Mwaahopi satati kandaahandi kandi ami komi itipihiya otipipatihiya enjerihiyaami woaisi sata windi kamundise.

“Kinyi nambi nisi ikwiri gaatihiraihoanaŋi wandiha nepi Awaisihonimatipi ningisapi maasi bime. Bimisamihisi nini kinyi tiworisaisi neti kinyi auhiri ahaitaapi tihiri gwaasihemasanihapa,”

Aunihihiri 110:1

tati windi jipatipimindise. Owe. Apipaahi windi satati kamundise.

¹⁴ Ami Autaahaatiho enjerihiyai ko komi Mwaahoai piwaundipatamatiyati piwaamundonaahi ami kiya diyaare? Enjerihiya siyaahi ami nehi otipipatihiya itipihiyaare. Kiya Autaahaatihomi otipipati kawiji yamihapataatiji koaisawi bindawaahiyaare. Iyataati kiyai Autaahaatiho natausaasiji kiya nuwi isihiya Autaahaatiho japihi numwaitandihiyai iwatatamaniwi anditiwipi winjaawi bitotawaayopo.

Autahaatiho Nyangi Japihi Nanyamaasitihandi Sandi Apipaahi Awaindihande

2 ¹ Isi ami kimandi kandapi nyahi piwiha nyangi Jisaasiho Autaahaatihopi katanyasati kanyatihi aimi atisaati nehohiha biyaati mwitipisaati atisaati ami ka anitisaati isiwatitahaawo. Iyaati nyahi piwiha ka newaati nyami amiteteti ami maarihoatiji ahaitahaawo. Iyaati nyahi piwiha kaapi nasisoaari jinjapihi gwinyaitihaawo ami kaapi windi nanipimataati namihiritihaawo. ² Iyataati wani nyahi siyaati mmonahaayo. Jihura Autaahaatihomi enjerihiya piwiha nyami asoya asisaisi nunyotaha sa Autaahaatiho sawaho nunyawise undati akitinihisihi numwihahaare. Iyati sa piwa apipaahi watipaha usa windi nemaamaitaatiwihaare. Siyati Autaahaatiho akitinihisihi watipaha numwihahaasi kiyaami usa sa piwa baiwi atihomiwi nemahohiyihiyai kandapi wihoanaŋihandi naitaatiwi kiyohirihireti japepahirati Autaahaatiho titihi kiyai wihoanaŋihandi yaawihandi nunyataise.

³ Ami kimandihisihi akite. Isi ami ko piwiha nyangi japihi nanyamaitandi

otipipati apipaahi awaipati kaipatapuni ami apipaahi gaahireti japihi nyangi nanyamaitandihandapi kanyatisiha nyahi newaamihaawaahi ko nyangi wihoanġhandi yaasihandi nanyamitaiso e owetitaiso? Ami mandih ko nyangi wihoanġhandi yaasihandi titihi nanyamitaise. Sandi ko apipaahi gaahireti nyangi japihi nanyamaitandindapi piwiha jih i ausaati kanyatisiho Awaisiho Jisasi Kiraisiho sawahore. Aih ami isihya ipoti piwa sa ko katih atiwi nehohiyihya sandih akite tiwi kanyatiwi nepi nanyisawaayopo. ⁴Sandi komi piwihaapi akite tati Autaahaatiho nanyisindindi ami isihya maapi yapipatambihya apipaahi windi kamaiwihaiwa siwipatuni ami kapai wapa isihyaami maarih owesoetonih maaroamapi mmondaatiwihaiwauni ami gonipati watipihaiwa nehi Autaahaatiho sawaho watipihandi nunyati isihyaisi anditiwisihi kiyohiwaiwaraahi piwiha kai neti watipimataise. Iyataati ami Autaahaatiho komi gwinyaati maaritirihireti japepihirati komi Itipih Gaahomihaiwa otipipatapihaiwa wura wura neti tipitapaati isihyaisi nunyati neti kiyai giwunyaasiwawaiwaraahimaawe.

**Jisaasiho Nyangi Japihi Nanyamaitandi Ambipati
Nyamihatamatiyahati Neti Noaipataise**

⁵Autahaatiho isihya wanihyaami yapipati wanihati asipati ipotihura noaipati ahotitaise taati nyahi taawaati katohipati enjerihya jatitaatiwi kiyai windi namaamihainje. Apipaahi owetise. ⁶Ami yapipati isihya jatitaatiwi neti timanati gwinyaataise. Aih sandapi utaaho wo piwiha wa wapihi utipih jipatipindisihooatihapi satati katise:

“Autahaatihone, nyahi isimiyaani napitiyaati napindanitihi kinyi nyapi nasisoaari konihini ginunyaapwaatise? Aimb ami kinyi nyahi nehi isimiyaanangi napaapi baimbi nyainjatipi ami nyatatamanapwaatise? ⁷Aimb ami kinyi nepi nyangi kinyi enjerihya itipihyaami (otipipatihya mihaati yamihapataatihapihyaami) kapihata gohi nehi masihonjapi yatih ahinyisapaise? Aimb ami kinyi nepi nyangi autaahepiyamapi ambipati awaipati ami wandih nanyinyapaise? ⁸Aimb kinyi kahapaamapipa nahataapa nepi nyami asimwaatitihemasamihi nyahi nahataapa osamaati jatito,”

Aunihihiri 8:4-6

tati jipatipindise. Siyati Autahaatiho kahapaamapipa neti nahataapa isihyaami asimwaatitihemasih kiya osamapi nahataapa jatawaayopo. Iyataati wapa isipipa kiya minjatitaatiwihapa nehi yandih ahimotise. Iyataahandi kandi wani kiya nahataapai windi minjatauhi nyahi mmonihaayo. ⁹Iyataahandi kandi ami nyahi wapa Jisaasihopi mmonaati gwinyaahaayo. Autahaatiho koai niwimaati ambipati awaipati numwihi ami ko nahataapa jatiho. Ami ko jihura maapi yapimbataapihi nasati bimisura nehi masihonjapi Autahaatiho koai neti komi enjerihya

itipihyaami yatihhi ahiwisataise. Siyati masihonjapi yatihhiwuwati ahiwindimandi ami ko isihyaanami aunahipati neti yaawihandi neti napwitandihandape, ami Autaahaatiho nyangi gaahandi nehihandi kanyitandi maaritati gwinyaasirihireto. Ko siyati nyapi yaawihandi neti napwindihandapi Autaahaatiho koai ambipati awaipati nunyati ami neti yundanyaawisati niwimaataise.

¹⁰ Ami Kahapaamapipa nahataapa Autaahaatiho kiyati ahiyataise. Iyataati sapa kapa sawaho kiyati ahaimbipaami tanyaahore. Iyati nahataapa sawaho maaritirihireti kiyati ahiyataise. Ami ko komi manyinya taahiyihiyaisi numwaasi yamihapataatihi niyonihhi ami kiya kapihi nga baiwi bimitaatiwi maaritati gwinyaataise. Iyati ami isihiyai japihi numwaitandi Jisaasiho otipipati kaitandi Autaahaatiho gwinyaataise. Iyati sireti Autaahaatiho Jisaasihoai neti yaawihandaatemataise. Iyati siretapi Autaahaatiho Jisaasihoai neti isihiyaisi japihi numwaati iwitatamanitandihomemataise. Ami sandi Autaahaatiho kaindimandi titihe. ¹¹ Iyataati ami Jisaasihouni ami isihiya ko neti Autaahaatihomihiyemasawihyauni nahatiya sapiho nehi naasomi manyinyaamataiwihyaare. Aiwii ami kouni ami kiyauni Autaahaatihomihyaatiwi ami nusulasi nehi naasusamataiwihyaare. Aihhi ami sikandapi ko kiyaapi windi mamaawati nehi nanihiyati kiyaisi nisi nihoarisati naapwirisaate undataase. ¹² Iyataati ami piwiha wa wapihi aimi jipatipindisihaatihapi Jisaasiho Autaahaatihoai satati kaundise:

“Autaahaatihone. Nini kinyi ambipati angusaati ami kinyapi nahataapa ausaati nisi nihoarisa naapwirisai ausaati kaundito. Aindi ami kiya gaapundiwi aunihititaatiwi ahoyainjaihihapihi kiyaamihatihapi nini kinyi aunihihiri aunihindi ami gisi neti mepi autaahehimaito,” *Aunihihiri 22:22*

tise tati jipatipindise. ¹³ Iyataati ami waaraahi ko kiyaapi kandaati Autaahaatihomi piwiha wa wapihi jipatipindisihaatihapi satise:

“Ami nini kinyiheti nausaniti bitoti nisi ndiha kinyiheti ahiyati ginjatito tise,” *Aisaiyaaho 8:17*

tati jipatipindise. Ami jihaati kimikamwaaŋi waara wapihi piwiha aimi jipatipindisihaatihapi satati katise.

“Nini kimbihhi kimonine Autaahaatiho ningi komi manyinya nanimisawihiyaisato tati katise,” *Aisaiyaaho 8:18*

tati jipatipindise.

¹⁴ Iyataati isimiya Jisaasiho nisi nihoarisati naapwirisaate undisawimiya akiti nehi isihiya, ambipati ami jipatisawihyaare. Ami sandapi kimi kireti Jisaasihoaisangi noaipati kiyaami ambipati jipipati neti Autaahaatihomi piwiha atisati japepihirati akitinihhi utaaho akohoematataise. Ami sandi siyati akiti utaaho akohoematati

napotaati utaaho maipiho isihiyai neti kiya napwitaatiwihandapi yayohitihandi nunyati katihema komi watipihanda wirihiraahamatiyati wisasa napuwati isiwatindihandi nainjaati yotitando. Iyataati utaaso so maipiho nini katoho wopimaato titihi Bwaasirihirapito. ¹⁵Iyataati ami isihiya siya asiyihiya yapipataapihi bindawaawi napwitaatiwihandapi nasisoaari yayawaatawaayopo. Saiwi kiya napwitaatiwihandapi yayohitihandaahi kiyai Bwaasirihiri kimaapi yapipataapihi neti napusihi kiya isihiya naputohiyihiyaamatawi bisotawaayopo. Siyauhi ami Jisaasiho utaahoematati noaipataise ami isihiya napohirihireti napoti isihiya napwitaatiwihandami yapipaatihi napwitohiyihiyai nuwati nehahaatemaitando. ¹⁶Sandi wani nyahi auta mmonihaayo. Jisaasiho yapipataapihi napindimandi enjerihiya itipihiya yamihapataatihapihiyai numwaati iwitatamanati anditiwiwitandi nasataamaise. Owe. Ami ko nasati isihyaanami ambipati netaise nyahi Autaahaatihomi isihyaanini Abiraahamihomatiyaati giwunyaahohiyihyaanangi nanyamaati nyatatamanati anditinyiwitando. Nyahi Abiraahamihomi nehi isihiya Isiraherihyaamatiyahyaanangi nyatatamanitandi Jisaasiho nasataise. ¹⁷Ami nyahi isihyaanangisi nyatatamanitandihandapimatati ami daihira wira owetih namati Jisaasiho wapa nahataapaatihapuni ami daihira nahatiraapuni nyahi nehi isihyaanamatiyati noaipataise. Ami sandi ko saindimandi tanyaaha kimaape: Ami ko nyangisi nga biyati maariho asipinyisati ami Autaahaatihomi piwiha nahata japepilirati Autaahaatihoi nunyanati nyami Awaisiho Pirisihoematati Autaahaatihomi ndimaahomwaanji bitondaati komi otipipati kawisati nyami maipihaiwa nenyamaitandi ko sawaho Autaahaatihoi nunyandande. Iyonih Autaahaatihoi nyangi sahi sami maipihaiwaapi piwihaisahyaate maanyatitando. ¹⁸Iyataati ami Jisaasiho sawahoaisangi naawisati yaawihaiwa netuni ami Bwaasirihiri ko maipihandi kaito tati winjatataati koai nunjesihi aimi mmonati nehosi ami isihiya usa maipihandi kaitaatiwi Bwaasirihiri nunjesawihiyai ko nga iwitatamanati anditiwivateise.

Jisaasiho Mosesihoai Apipaahi Awaindihandi Nusatipihaahore

3 ¹Isi nisi naisihyaati nisatawi Kiraisihopi giwunyaahohiyihyaatangi Autaahaatihoi yamihapataatihi bimitaatiwihandi naitaatiwi sapi gaatati nasisenati ami ko sawahopi sangi nasamihainjihii ami sahi komihyaate. Isi sahi Jisaasiho Autaahaatihoi neti natausaasisiho aposeriho ami Pirisiho Mitihoi Jihopi bapaiwi gwinyaapi mmoniwise. So Jisaasiso nyahi kopi giwunyaawaati ami kandi ausaawaati katohihore. ²Sikiyati kaitandi Autaahaatihoi namihanati ahiiwihihore. Ahiiwihihosi Autaahaatihoi gwinyaati maaritirihireti japepilirati Koai Autaahaatihoi otipipati kaime undipati nga napaitati kiyataise ami jihura Mosesiho

Autahaatihomi isihiyai nususasamatiyati winjaati bindata Autahaatiho piwiha kaundisiha atiwisati japepihiripatamatiyato. ³Yataahandi kandi nyahi Jisaasihopi maaritaati koai mepi autaaahemwaitihaawi Autahaatiho gwinyaataise. Sandi apaapimaato aŋaŋji aŋimatisihopi isihiya gaahoe tiwi maarititaapo. O ami aŋihandi sawandipindapi kiya windi waati maarimitopo. Owetise. Isi sikiyati sikireti isihiya Jisaasihopi maaritiwi koai waati mepi autaahepumaitaapo Mosesihopi maaritotihandi yatihitaniho. Sandi apaapimaato, Jisaasiho so isihiya aŋaŋamataiwihiyai kiyati ahaisihore. Iyati ami isihiya Autahaatihomi aŋaŋamataiwihiyai winjatisiho Mosesihoaisangi Jisaasiho kiyati ahiihore. ⁴Iyataati aŋihaiwa nahatewaahi isihiya aŋimatiwihaiwaare. O ami kahapaamapipa nahataapaahi Autahaatiho sawaho kiyati ahaihihapaare. ⁵Iyataati ami jihaati Mosesihopuni ami Jisaasihopuni biyaati mmondahaawo. Nyahi Autahaatihomihiyaani aŋaŋji naasaindaapihi bimohiyihyaamatiyaahiyaane. Isi Mosesiho so isihiya Autahaatihomihiyaamihapihapihore. Iyataati Mosesiho so Autahaatihomi nehi otipipatihosi piwiha kaundisiha atisati neti japepihirahore. Iyati ami ipotihura Kiraisiho nasonihura wapa Autahaatiho ausaati katati kaitandihapaapi isihiyai kataunjisihore. ⁶Iyataati ami Kiraisihohi Autahaatihomi Mwaahosi ami ko isihiya Autahaatihomi aŋaŋamataiwihiya bimohiyihyaami mitiho Jihoematati kiyai Autahaatihopi winjatataise. Nyahi Autahaatihomi aŋihiyaani kimikiyaane. Ahi ko Autahaatihomi otipipati napaitati kiyaapi kiyati kiyai nga winjaati bindataise. Iyati ko sati otipiti Autahaatiho piwiha koai kaundisiha atisati japepihirati kiyataise. Isi nyahi andititaati kiyaaninihi bindihaawi Autahaatiho ipotihura gaahaiwa kanyisati nanyamitandi katiwaiwa nanyamitaiso taati tihaapiyaati maarita jatihaawaahi sandi nyahi Jisaasihoi nuwipinja Autahaatihomi aŋihusanaanimataati maasi bindihaawe.

**Isihiya Autahaatihoai Ahosumwahohiyihya Aunahipa
Gaahati Ikindaatiwihati Windi Namaitaapo**

⁷Ami kimandi kandapi sahi sami jaasoya jaasisa jihura Koai ahosumwahohipatamatawi Autahaatihoai windi ahosumwaamapise. Autahaatihomi Itipiho Gaaho piwiha katisiha sahi baiwi atiwise tati Autahaatihomi piwihaami utipihoaatihi wapihi jipatipindise. Iyataati piwiha kaatihapi Itipiho sandaase:

“Ami wani kimura asisima kimeti Nini Autahaatihonini sangi taati piwaasatisanaahi Nini katisaniha sahi atiwise. ⁸Ami sahi sami maariho omaaŋjitihi nepi daahi watipitiwi nisapi namisapupwise. Ami sami jaasoya jaasisa Isiraherihya jihura ningisi maatimaatiniwi koai wipiwimainjotiwu jatawa ningi nanisepaipapi

pohirindohipatamataiwo. Ami sura kiya yapipati aunahipati (isihiya iwiwirihō ami waapohō owehapihi) awasihapihi bimohura ningisi sandi kanisawaayopo. ⁹Ami sapihi kinaunkwiha 40 kiyahaiweti nini otipipati apipaahi watipihati gonipati kiyohipipa kiya kiyaami ndihaara mmonawaayopo. Mmonawaahandi kandi kiya nisapi satiwi ko nyangi wapa kamaanyitaiso tiwi sapihi kiya mwitetiwi maatimaatiniwi ami ko napitaise tiwi ningi nanisenawaayopo. ¹⁰Aihi ami ningi isihiya siyaapi apipaahi aponyihi ami nini sandaato, Kiya kimiya kiyaami maarihoatihi nisapi windi gimaanunyaapi nanimapi ami nisapi nawisawitawaayopo. Aiwi ami Nini kiya wapa kaitatiwi kaundohipipa windi moniwi ami windi atiwi japepihiriwi kamaayopo. Owe. ¹¹Siyauhi ami ningi kiyaapi apipaahi aungwohandi aponyihi nini piwiha apipaahi watipiha watipindi sandaato. Aunahipati kiya ningisawi maasi nga ikindaatiwihandi numwito ndi katohipata kiya windi akitinihi namindaitaapo ndi kandaato,”

Aunihihiri 95:7-11

tati katise.

¹²Isi ami nisi naisihiyaati nisatawi Kiraisihopi giwunyaahohiyihyaate, sahi baiwi jatiniwihyaati bitosawise. Ami samihatihapi usa wo waati omanjititih maipihandi gwinyaati ami Kiraisihopi gimaawunytaitaso. Wo waati siyataati ami Autaahaatiho konihi asoho bimisihoi namaitaisi sahi baiwi jatiniwise. ¹³Isi ami sahi windi samaiwi namapi ami asisiha nahata ninaaseti sahi ninaasoni ninaasaanjhi nepi wowaati anditiwipi ami nepi ususaati andititwi nyahi biyaati jatinaati titihi daitihaawo niwi kiyaatinih kaimi nuwise. Ami sami woni waani Autaahaatihopi sami maarihoatihi amitiheti watipitiwi daahi nisaputisaihi ami sangi wiwa maipihandi jaipisatitaise. Isi nyahi katihawwi, “asisiha wani kimuraaro,”^a tohimeti sahi sandi saiwi kaiwise. ¹⁴Ami nyahi akitinihi wanuni ipoti ipotuni wuwanihura akiti titihi nga mmonaati ko nga wapa kaitaiso taati giwunyaahohipatamatiyaati kyaaninihi Kiraisihopi giwunyaawaati isiwatimi nowaati ipotihura otasaahapihindaataahi ami nahataapa otipipati Kiraisiho kaimbipa ami wapa komihapa nyahi newaati koaisaati kiyaati ami ninawipih taawa nehaayo. ¹⁵Ami siyati Autaahaatihomi piwiha wa wapihi jipatipindisihaatihapi wo satise:

“Ami wani kimura asisima kimeti Autaahaatiho sangi taati piwaasatonih sahi koai atiwisawaawaahi ami sahi koai nepumapi daahi watipitiwi sami maariho kopi nepi namisaputiwise, sami jaasoya jaasisa Isiraherihya jihura koai maatimaatiwiwi nepumapi kiyohipatamataiwo,”

Aunihihiri 95:7-8

^a 3:13 Kima piwimaami tanyaaha satatise: Kinyi satipi sihapo ami bosonihapo tipi minjatipi wani kimikura kaime tatise.

tati jipatipindise.

¹⁶Ami ko (Autaahaatiho) sawaho komi maahomwaanapapi piwaundihi atisawaahandi kandi koai maatimaatiwisohiyihiya diyaare? Siya Mosesiho numwaasi napihii Isipihanda namasi nasohiyihiyaamaho? Ye! Kimikiya Autaahaatihoai maatimaatiwisopo. ¹⁷Iyataati ami Autaahaatiho diyaapi apowise? Ami isihya koai maatimaatiwiwi maipihandi kaiwi ami isihya iriwiriho waapoho owetati awasati watiminihapii sawana napohiyihiyaapimaaho? Ye! Ami kimikiyaapi koai apowise. ¹⁸Aihi ami Autaahaatiho diya nisi ikinotihandaatihi napiwi namindaitaapo tati piwiha apipaahi watipitati katise ami isihya koai atihomaawiwi nepumahohiyihiyaametonaaho? ¹⁹Aihi ami sandi nyahi wani mmonihaayo. Ami kiya sawana (Autaahaatihopi) gimaawunyaahohitihanda kiya komi ikinjitihandaatihii namindaahauho.

Autaahaatiho Komi Isihyai Ikindaatiwihandi Numwitaise

4 ¹Isi ami Autaahaatiho nyangi ikindihaahandi nanyamitandi piwiha watipitati timanati wisasati ahaisiha wanisangi yaha kaanihi ahondaise. Isi ami nyahi yayaati itawaati jatindihaawo, ami wiwa sami usaati sapihi naiwi noaipapi sandi ikindaatiwindi windi namaitaawo. ²Ami Autaahaatihomi otipipatihiya nyangi ikindihaahandi nanyamitandihandapiha piwiha gaaha waniha kanyatauhi atisahaayo ami nyami asoya asisai kaundauhi kiya atisohipatamatiyaato. Ami kiya nyami asoya asisai piwiha katiwunjohiha atisawaahandi kandi nehi atihiraahi atiwii namapi ami kiya kaapi gimunyaapi ami ka windi namehauhi kiyai ka windi maawitatamase. ³Ami nyahi kopi aimi giwunyaahohiyihiyaanini komi ikinjitihandaatihii nandaahaayo ami ko sawaho Autaahaatiho satati katipatamatiyaato:

“Ningi kiyaapi apipaahi aponyindahandaahi nini watipindi sandi piwiha apipaahi watipiha kandi wisasataayo. Isimiya kimiya nisi ikinohitihandaatihi windi napiwi namindaitaapo ndi kandaato,”

Aunihihiri 95:11

tati katipatamatiyaato. Iyataati sandi Mosesihomihura noaipasihaiwaapi kandaase. Iyataati ami ko Autaahaatihohi nyangi nyahi ikindihaahandi nanyamitandi komi otipipati nahatepi kaipati aimi jiihi wuwanihura kahapaamapipa namasati kiyati ahaisura kiyati owematosati ami ko ikinataise. ⁴O ami Autaahaatiho kahapaamapipa kiyati ahiyaijati asisiha sepeniheti ko ikinjitihandapi katisihaahi komi utipihoaatihi wapihi satati jipatipindise.

“Autaahaatiho komi otipipati nahatepi kaipati asisiha sikisiheti owematosati ami asisiha sepeniheti komi otipipatapi maariho witati satati, ‘Sapa nisi gwinyaati maaritohirihireti ahiyataayono,’ tati mmonati ikinataise,”

Wuwanihapihii 2:2; Japihii Numwaasiiho 20:11, 31:17

tati jipatipindise. ⁵Iyataati ami piwima kimika katotima wapih
 Autaahaatiho jihaati satati kandaase:

“Kiya napiwi nisi ikinohitihandaatihi windi namindaitaapo ndi
 watipindi kandaato,”

Aunihihiri 95:11

tati katih ka jipatipindise.

⁶Isi ami sandi nyangisi siyati neti nanyisataise: Autaahaatiho komi isihiyaisi kiya ikindaatiwihandi numwitandi katindihandi yahandi kandinihi ahondaise, ami kandi isihiya usa naitaatiwo. Isi kandi Autaahaatihomi ikinjitihandi isihiya usa nga naitaapo. O ami isihiya nyami asoya asisa kandapi piwiha waniha gaaha kaundauhi atisohiyihya komi piwiha nepumahotihanda kiyaisi Autaahaatiho kandi ikindaatiwihandi windi namumwihi ami kiya kandaatihi windi namindaahopo. ⁷Aihi ami Autaahaatiho asisiha wa namihanataise. Iyati Asisa saapi kandaati, “wani kimuraaro,” tati kandaase. Aih ipoti wura Autaahaatiho neti Daawitihooi giwunyaasih ami ko jih satati katih jipatipindihi aimi katohihaare.

“Ami wani kimura sahi komi maahomwaaŋi piwiha
 atiwisawaawaahi sami maariho nepi daahi watipitiwi
 namisaputiwise,”

Aunihihiri 95:7-8

tati katih jipatipindise. ⁸O ami jihura Josuwaaho^b Isiraherihyai kiya ikindaatiwihapihi Autaahaatiho katirihireti numwaasi nyonihi ami kiya aimi ikinjaihaahi ami Autaahaatiho asisiha wa wuraapi jihaati windi kamaatitaihe. Ami wura isihiya jinjapihi jinjapihi ikindaatiwihuraapi Autaahaatiho kandaase. ⁹Isi ami Autaahaatiho komi isihiyai kiya ikindaatiwihandi numwitandi jih timanati katindihandi yahandi ahotimi nasataise. Isi ko nyangi sandi ikindihahandi nanyamitaise. Sandi asisiha Sapaatihandapi ikinotihandamatiyahande. Iyati sandi Autaahaatiho jihura kahapaamapipa kiyati ahiyainjati owetih asisiha sepeniheti Sapaatihandapi ikinjitihandamatiyahande. Sapaatihandi ikindihahandi yaihandi taati nasataisi nyahi komi isihyaanini ikindo Autaahaatiho ikinjitihandamatiyaato. ¹⁰Ami isihiya Autaahaatiho ikinjitihandaatihi nandaahohiyihya siya kiyaami otipipati nahatepi kaiwi owemaposawi owetih kiya ikinawaayopo, ami Autaahaatiho komi otipipati nahatepi kiyati owemati owetih ikinjipatamataiwo. ¹¹Isi nyahi biyaati andititaati anditati napawaamaitihaawo aunahipati ikindihahati naitihaawo. Ami nyahi wiwa nyami asoya asisa Isiraherihya jihura Autaahaatihomi piwiha nepumawaawi otihapihi nehahaati nihiriniwi owetopatamatiyaati Autaahaatihomi piwiha newaumwihaawi ami nyahi nihirinaati owetaanipano.

^b 4:8 kimandi ambipati piwiha Ipiruhaara *Josuwaaho* tiwi ami *Yesuwaaho* tiwihate. Aih piwiha Girikihaara *Iesus* tiwihate. Aih ami nyahi Aŋaatihaami naahwitarihiri kirirupa japepihira katihaato.

¹² Ami Autaahaatiho piwiha katisiha apipaahi watipihaare. Iyati ami ka watipitati otipipati kiyataise. Iyati ka otipipati kairihireti namatana kosasaihiri wihiwihooanji apipaahi timwipihanaati apipaahi awaindihandi nusatipihahaare. Ka setahaasi mihatihisi isihyaanamii maariho omanjititihisi ami amitihetisi nandaati nahataapa nyahi gwinyaahohipipauni ami kaitihaawiyohipipauni neti ausaimanati tipitapaati nyasonataise. Iyati ami Autaahaatiho komi piwiha kanyatisihaara nyahi gwinyaawaati ami nyami omanjititihisi amitihetisi kinyamundiwaiwaapi kaiwa titiho e maipo tati neti nyangi nanyisataise. ¹³ Iyataati ami nyahi windi siyaati gimunyaaitihaawo. Nyahi nyami maarihoaatihisi ami omanjititihisi ami amitihetisi gwinyaahohiwaiwa ko windi maanyondaiso taato. Ami koho nahataapa kiyati ahaimbipa auta abotihisi nga mmonahore. Komi ndihetapi nyahi wapa windi newaati namoasito. Ami ko nyainjataahura nyahi nyametirihiretuni ami nyahi gwinyaawa kiyohipipa kapa titihisi mmonataise. Kopi wapa namoasandise. Owe. Isi ami kimi koaisi nyahi gwinyaawaati ami kiyaati ami taawa kaimi niyohiwimaiwa siyaati kiyahaayo undaati ipotihura akiti titihisi kaunditihawe.

**Jisaasiho Nyami Mitihisi Awaisihisi Pirisihisi Autaahaatiho
Nyangi Nyatatamanitandi Nyapi Koaisi Taati Piwaundataise**

¹⁴ Ami nyahihisi nyami utaaho apipaahi Awaisihisi Mitihisi Pirisihisi wo yahoaisahiyaane. (Ko nyapi nanipimati aunahipa neti bitondaati nyangi nyatatamanitandi ami nahataapa ko neti nyapi Autaahaatihoai piwaundati kaunditandihisi.) Iyataati ko aimi mihaati yamihapataatihisi niyati Autaahaatihoaisati maasi bindataise. Iyataati nini utaaso so Autaahaatihomisi Mwaaho Jisaasihopito. Isi ami nyami kopi giwunyaahohitihandisi biyaati andititaati isiwatitihawo ami nyahi kandi ausaawaati Jisaasihopisi giwunyaahaayo taati taawaati katohitimando. ¹⁵ Iyataati ami nyahi yawanaani watipihandisi owehiyaane ami nyahi maipihandisi kaitihaawisi nanyisenati nahataapa nyangi nanyoaipasipipa tipinda newaamaitihawo. Iyataahandisi kandi nyahi utaaho nyami Awaisihisi Mitihisi Pirisihisi yahoaisahiyaane, Jisaisi Kiraisihisi. Ko nyangi nga akitinihisi maariho asipinyisati nga biyati nyangi nyatatamanitaise ami ko maipihandisi kaitihandapi nahataapa nyamatiyati koaisi nusoaipasihisi aimi mmonatisi nehoso. Iyataahandisi kandi ko maipihandisi apipaahi windi kamaayahore. Apipaahi owetise. ¹⁶ Isi ami nyahi wapaapi nitanaati pihitaati gwinyaahaahura windi yamaayaati nyami Autaahaatiho nyangisi maariho asipinyisihomihini deti naitihawo. Ami ko komi siyaahandisi gwitihooasinapi nahataapa jatimbipihisi. Sapihisi nyahi naisaihi ko nehi koaisunyaati nyangi gaahandisi kanyitandiyahosisi ami nyahi windi gaahandisi kamaayaahandisi gaahandisi kanyisati nyatatamanitaise.

Kiraisiho Nyangi Nga Japihi Nanyamaitaise

5 ¹Ami Autaahaatiho Pirisihiya awaisawihiya nahatiyai nehi ninaasohi ninaasoai nehi isihyaami otihatihapi numwaati isihyaapi aunahipati ko naitandi namihanataise. Aihi ko Autaahaatihomi otipipati nahandi isihyaapi kawitandi Autaahaatiho namihanataise. Namihainjihi ko isihyaami aunahipa neti isihya Autaahaatihoai gaahone gaare undiwi gaarehandi nunyohipipa neti Autaahaatihoai nunyataise. Iyati ami isihyaami maipihaiwaapi maahoai kohasipihoni nesipiwini nunyohipipa ko neti tihati sisandipiwani waamaindumanati Autaahaatihoai dipumanati nunyataise. ²Ami ko sawahoaisangi Autaahaatihomihaiwaapi andititandihandi owehosi ami isihya Autaahaatihomihaiwaapi anditimitohiyihiyai napaisaatundati winjataise. Siyati anditimitahosi ko yatihini ipatisanati ami napaisaati isihya kaitaatiwihaiwaapi saiwa gaahaiwe ami saiwa maipihaiwe tiwi windi monawaawi namapi kandaahi Autaahaatihomi ndiheti maipihaiwa kiyohiyihiyai neti titihemwataise. ³Ami ko isihya nahatiyaamatiyati anditimitataati napapaati timahiyahosi jini sawahomi maipihaiwaapi kohasipihoni tihati Autaahaatihoai dipumanati nunyataise. Iyati ami sawahopini kairihiri kireti isihya nahatiya usaami maipihaiwaapi ipoti kohasipihoni tihati dipumanati Autaahaatihoai nunyataise. ⁴Iyataati utaaho Pirisihoemainjiho so ambipati awaipati netaise. Iyataahandi kandi nehi koaisunyaati satati nini noaipati isihyaami aunahipati neti kiyaapi nanipimati pirisihoninimandi Autaahaatihoai piwaunditi komi otipipati kaitaano tati noaipataamaise. Owe. Daihira wira siyahira windi ahimotise. Utaaho nehi Autaahaatiho sawaho namihainjihohihi sati otipipati neti kiyataise. Ami kimi kireti Aronihoi Autaahaatiho sawaho namihanataise isihyaamuni Autaahaatihomuni otihapihi ko bitondaati isihya Isiraherihyaapi kohasipihoni nandapa tihati Autaahaatihoai dipumanati nunyati ami piwaunditendo. ⁵Ami Kiraisihoaisangi kimi kiri Aronimo noapisirihiri kireti kiyati noaipataise. Noaipati wani mihaati yamihapataatihi nyapi Autaahaatihoai taati piwaundataase. Ami Kiraisiho nehi sawahounyaati satati nini noaipati pirisihoninimandi isihyaapi nanipimati kiyaami aunahipa neti kiyai ko anditiwiwitandi Autaahaatihoai piwaunditaaano tati noaipataamaise. Ko windi siyataamaise. Owetise. Autaahaatiho gwinyasirihireti koai Autaahaatiho namihanataise. Ami koai piwiha kaundataati komi piwiha wapihi jipatipindisihatihi Autaahaatiho satise:

“Kinyi Nisi Maasihononi nisi piwiha baimbi atinimbihonitihini wani Nini kinyi Gapihonini otipipati awaipati nahinyataati kiyai saunditi kimo Nisi Maasihimoai nisihapa nisapi nisatitandi otipipati awaipati nunyataayo unditi gi neti angusaimanataayo,”

Aunihihiri 2:7

tati katise tati jipatipindise. ⁶Iyataati ami sa piwima wapihi Autaahaatihomi piwiha jipatipindisihai neti anditiwiwati akite daase. Iyataati piwa saatihapi Autaahaatiho satise.

“Kinyi Pirisihojimatipi kojinihi isihyaapi Autaahaatihoai piwaundipi Merikisetekiho kairihireti kinyi kaimi nutaise tise,” *Aunihihiri 110:4* tati jipatipindise.^c

⁷Iyataati ami Jisaasiho maapi yapimbataapihi utaahoematati bimisura, ko sawahoai Autaahaatiho iwitatamanati anditiwiwitandi Autaahaatihopi gaapundati koai piwaundati ami nunjenataise. Iyataati ko komi maahomwaanji waati nausaati waapihitati ami kwitipati nuhaati komi maariho omanjititihigi gwinyaasitihandi nahandisati Autaahaatihopi gaapundataase. Ami ko siyati mmonati gwinyaahosi Autaahaatiho koai tinjausehonihi ami koai komi tiworisa windi sohoai timaawitaatiwo. Iyataati ami ko nehi Autaahaatiho gwinyaati maaritimbipaapaahihi maariho nusoasama ami anditati napamahotihigi Autaahaatiho komi gaapipati gopa atiwisataise. Iyati koai neti anditiwiwataise nyangi anditinyaiwati nyami maipihaiwaatihapi nanyamaitandi windi ko yamaayati nehi nanihiyati yaawihaiwa neti napwitando.

⁸Iyataati Jisaasimo sohi titihigi akitinihi Autaahaatihomi Mwaaho akohore. Autaahaatihomi Mwaaho akohondaahandi kandi ko yaawati naanjihandi apipaahi awaindihandi netaise. Ko yaawati naanjihaiwa siyati nesitimandi Autaahaatiho maaritati gwinyaasirihira atiwisati japepihira kaitandi yaawati naanjihaiwa netaise. ⁹Ko siyati Sapihomi piwiha atiwisati Sapiho maaritirihireti kiyati owemasitihandaahi Sapiho koai namihanati ahiwisataise, ko isihya piwiha baiwi atiwiji ko maarita gwinyaasirihireti japepihiriwi bimohiyihiyai apipaahi kiyaisinihi japihi numwaati neti ahoya numwaasi niyati aunahipati aimi neti timasipata nandaapi kahapaamapipa Jisaasihoaisawi maasi nahatiya jaawi bimitaatiwo. ¹⁰Ko nga sandi kaindimandi ami Autaahaatiho namihainjihore nyapi nanipimati Pirisiho Mitiho Jihoematati Merikisetekihomatiyati Autaahaatihomi otipipati nahandi kandinihi kawitando. Iyataati Autaahaatiho ami koai namihanataise ko Merikisetekiho kairihiri kireti Autaahaatihomi otipipati kawitando.

Sahi Manyyaamataiwi Maanimaanimaiwise

¹¹Kiraisiho Merikisetekihomatiyaho noaipasitihandapi piwiha kasatitandihai pihitati taahiha ahondaise. Siyati ahondaahandi nini

^c **5:6** Merikisetekiho so ami Pirisiho ami awaisiho kinjiho Abiraahamiho bimisura bimainjahore. (Wuwanihapihi 14:17-24) Iyati ami ko Aroniho sangi noaipasihi jiji ko bimainjahore. Ko noaipasirihiretapi ami saniya sapiya saisatoyapi piwiha owehore. Iyati ko Autaahaatihomi Mwaaho Kiraisihomatiyahore.

sangisi ka nesipati jainjapwaati kasatitandihandapi naanjamase, ami kaiwaapi sahi wani taawi bipi mmoniwi nepi gisunyaatiho. ¹²Nini sandi sangi kasatotimandi apaapimaato. Sahi aimi jihapi Autaahaatihomi piwiha atiwi Autaahaatihopi aimi giwunyaapihiyaatisi wani kimuraahi sahi aimi isihiya usaisi Autaahaatihomi piwiha Kiraisihomi kaiwaiwaapiha ausaapi kaunditihuraatihito. Sahi saiwi isihiya usai katiwunjitiwindi sahi nehi sangihiyaati sangimatiwi bindawaayopo. Isihiya usa Autaahaatihomi piwiha Jisaasiho kaiwaiwaapiha mihambi namasawi jihaati katiwisasami napitaatiwo? Iyawaawi ami sahi noaipapi manyinya apipaahi sangihonya amwitihiri taawi nanihohonyonyaamataiwihiyaate. Ami sangisi Autaahaatihomi piwiha waniha gaaha asipipa watipihapa kamaasatiwi nehi manyinyaisi saniya amwitihiri nunyohipatamataiwi piwiha aimi jiji kasatiwi katiwisasohipipa kapa jihaati amwitihiramataiwi amwitisinyawi kasatimi nutaatiwo? ¹³Iyataati ami nini sangihiyaatimatawaayopo totimandi sahi sangihiya metihonyaamataiwi Autaahaatihomi piwiha usaayaha jiji kasatotiha ka jinjihaatemapi atisauhisato. Awi ami sahi sangihiya nandapa watipihapa namaaniwi nehi amwitihiri nanihohiyihiya manyinyaamataiwi saiwa titihi gaahaiwe o ami saiwa maipihaiwe tiwi windi gimunyaapi namaasesipatahiyaatitihito. ¹⁴Iyataati ami nandapa watipihapaahi isihiya aimi awaisawihya gwinyaahiyaapihapaare. Isihiya watipihya Autaahaatihomihaiwaapi biyati aimi giwunyaatonihikiya noaipapi watipitiwihiya siya Autaahaatihomi piwiha awaisiha watipihai baiwi atiwi naitaapo. Iyataati ami kiyai maipihaiwaapuni ami gaahaiwaapuni biyati giwunyaatonihikiya saiwa gaahaiwe ami saiwa maipihaiwe tiwi mmoniwi gwinyaawaayopo.

Nyahi Andititaati Bindihaawi Autaahaatiho Nyangi

Gaahandi Kanyitandi Jatimi Nutihaawo

6 ¹⁻²Isi ami nyahi Kiraisihopi nyangi wuwanihura jihapihapa katiwinyasauhi atisaati nehohipapaapaahihi kamaatitihawo. Iyataati saiwa wuwanihura nehi jihapihapa namasawi Kiraisihopi kanyatiwi katiwinyasauhi nyahi mmonati kiyaati nehohipapa kimbaapito: maipihaiwaatihapi japihi nepemaitotihandapuni ami Autaahaatihopi giwunyaahohitihandapuno. Iyaati ami isihiya kihiri kihiretapi waapoho nepi basanohitihandapuni ami mitihiya isihiyai ikwiri ahiwisotihandapuni ami isihiya napohiyihiya japihi nepasaihi ami ipotihura Autaahaatiho kiyai neti tipitapaati usohonihikiya ami kandi tipitapaati usositihandi kandinihi jinjapihi ahotitandihandapo. Saiwaatihi nyahi kiyaaninihi bisotaati jinjihaatewaamaati kataati katawaamunjitihaawo. Nyahi Isihiya aimi gwinyaniwi awaisawihya watipihyaamihaiwa newa kanaati kataati katawaunjitihaawo. ³Ami

Autaaahaathiho nyangi gaasi kaiwise nyatonaahi ami nyahi saiwa siyaati kaitihaawo.

⁴Isihiya usa aimi Autaaahaatihomi nausainjithandi nepihiyaare. Kiya aimi yamihapataatihapi (Autaaahaatihomi) gaahaiwa otipipati ami nawiho owetati nehilaiwa nepi mmoniwawihyaare. Kiya aimi Autaaahaatihomi Itipihohi Gaaho ninawipihohi nepawihyaare. ⁵Kiya aimi Autaaahaatihomi piwiha jipaindihandi kiyaamiheti noaipasihohi nepi mmoniwawihyaare. Aiwi kiya aimi Autaaahaatihomi watipihaiwa ipoti wura gaahura auta ausaimanitandihaiwa noaipasihohi mmoniwawihyaare. ⁶Kiya jihohi saiwawihiyandaahandi kandi ami kiya napepaapi timahiyawi, Autaaahaathihoai ahosumwawaawaahi ami kiya japihi Autaaahaathihoenda napiwi apipaahi windi japihi namepemitaitaapo. Ami kiya Autaaahaatihomi Mwaahoai jahaati taawi tipi nerihira tipimandaawaayowo. Aiwi kiya isihyaami ndiheti kopi kiya sisipitiwi koai mawihandi numwitaatiwi taawi tipimandaapi tiwawaayowo. Isi kimi kandapi isihiya usa kiyai nuwi japihi numwaasi napisaihi kiya kiyaami maipihaiwaatihapi japihi apipaahi windi nga namepemitaitaapo. Owe. Apipaahi owetitaise.

⁷Iyataati ami wipati wura wura taahiwaiwaara yapipateti wipiwati timihaihi ami yapipati wipati nesihohi ami isihiya kati yapasawi nandapa yamawaayopo. Yamihauhi kapa nandapa satoya niyamahohiyihiyai nga iwitatamanataise. Yapipati Siyahati Autaaahaathiho mmonati gaahati kawisati itatamanihonihohi nandapa gaahapa nimatati ami akipipa gaahapa ahotitaise. ⁸O ami yapipati kata nandapa biya namaawa nehi anipihohi ausitihohi akaasahaahi nawahonaahi Autaaahaathiho kati yapitisi saunditaise, “Kinyi yapipatani maipihatane,” undonihohi neti nopisasinati maipitati ahotinjati ipotihura sisahaara tihati owemaitaise.

⁹Isi nisi naisihyaati akiyihyaati, nisi maariho nasanyohiyihyaate, nyahi sangi piwiha watipihohi kima kimireti kasatihaato. Iyahaahandi ami nyahi sapi siyaati gwinyaahaayo: kiyaahi isihiya Autaaahaathiho taati iwitatamanati ami taati japihi numwaasawihya gaahaiwa kiyohiwaiwa kaitaatiwo taati gwinyaaho. ¹⁰Iyataati ami Autaaahaatihohi nasisoaari titihireti kiyahore. Sahi komi isihiyai jihohi iwitatamaniwaihi ami wani kiyaatinihi kiyai taawi iwitatamanotihandapi gwinyaitaise. Sahi Autaaahaatihomihyaatisi ami sahi sami maariho komi isihiyai nunyawihohi nunjohihohi ko windi nanipimaamatitaise. ¹¹Nyahi watipitaati sangi sataati kasatihaato. Sahi sami jatotihandi anitiwi isiwatimi nuwi otasaahaapihitane. Aiwi sahi Jisaasihohi giwunyaahohitihandi watipitiwi isiwatiwi ami sahi kiyaatinihi jatohipipa akipipa Autaaahaathiho sangi kasionihapo. ¹²Siyawaawi ami sahi windi ahiyawihohi nepi pohipimaitaatiwo. Aiwi sahi isihiya usa bipi natipisaniwaihi Autaaahaatihohi giwunyaapi akipipaapi jatimi nuwi ami ipotinihi kapa titihohi akipipa kawihohi nehohiyihyaamataiwaihi noaipaitaatiwo.

**Autaaahaatiho Wapa Kaitandihapaapi Apipaahi
Akiti Katahosi Katimbipa Kaitaise**

¹³Aihi sura Autaaahaatiho Abiraahamihoai ipoti wapa kawitandi jihi timanati piwiha watipiha nini gi saindhapa kahindi ami nahimito undati kaundataase. Siyati kaundataati utaaho Autaaahaatihoai nusatipihaati awaisiho owetihi namati komi piwiha neti anditiwati watipimati akite titandi ami Autaaahaatiho sawahopi ambihititi Abiraahamihoai saundataase: “Kinyi nisapi ami nisihiretapi aimi mmonipihone, nini akitihapaahihi akiti kaindihonisi piwiha kima watipindi nini gi kapa kahitandi kahitataato,” undati saundataase.

¹⁴“Nini gi apipaahi akitinihi gaahandi kahitandi kahitotimandi kahindi ami nahimito. Saindi gaahandi nini gi kahisanihi kireti ipoti ipotihura kinyi kimwaaya kimaasiya ami gaasoya gaasisa pihitiwi apipaahi taahiyihiya namwiyaatitaapo,”

Wuwanihapihi 22:16-17

undataase. ¹⁵Aihi ami Abiraahamiho koai Autaaahaatiho kawitandi kaundimbipaapi satati Autaaahaatiho kandimbipa nga kanisati nanimitaiso tati windi pohipimaayati natipisanati konihi jatimi noti titihi kireti kapa koai kawisati numwihi netaise.

¹⁶Isihiya piwiha wa watipiha isihiya usa nepi namaasipaitaatiwiha katawaahura utaaho kiyai nusatipihaati watipihandi wandihaisahomi ambipata satiwi, “Nini apipaahi akiti kandaato,” tawaatopo. Iyauhi piwiha windi timunati owendaise. ¹⁷Ami kimi kireti isihiya ko jihi timanati kaundimbipa naitaatiwihiyai nini kapa kasatopipa titihi kireti kasindi nasamito undati nunjitandi Autaaahaatiho watipititi piwiha wa watipiha katati kiya isihiyaisati ko sawahomi ambipata wisasataise. ¹⁸Aihi ami piwimauri kimaure yatiwauri usa kauri nemapi wa ahimaitaatiwihauri ahondaise. Iyataati sauri piwa yatiwauri kimaure: Autaaahaatiho nyahi komi isihyaanangi wapa kanyisati nanyamitandi katimbipa ami ko sawahomi ambipata watipititi satati, “Nini akitinihi jihi timaniti katopipa kapa kaito,” tati katahore. Iyati ami sauri piwaamauri wandipimaurahuni ami kimi kauri ahonda siyati neti nanyisataise. Autaaahaatiho nehi akitihapaahihi katahore. Ami ko akitimetihapa windi kamaatahore. Apipaahi owetise. Isi nyahi komihatihahi noaatitahaawi koaapihi nihiti niyohiyihiyaani sauri piwauri Autaaahaatiho nyangi wapa kanyisati nanyamitandi katiwimauri gwinyaawa ami nyami maariho newa anditititahaawo. Iyaati andititaati isiwataati kiyaaninihi jatititahaawo ami ko katimbipa kanyisati ami nanyamitando. ¹⁹Iyataati ami Autaaahaatiho nyangi wapa gaahapa kanyitandi jihi timanati kanyatimbipaapi kanyitandihuraapi nyahi jatohitihandi nyami maarihomi angihandimatati watipititi

anitisati titihinyiwati nyaiwatataise. Iyati nyami jatotimandi anghandamatiyahandi kimandi kandi apotihiri awairihiri anghandi neti yatimwati yatipiyasirihiri mwipihirami dawaapipihini niyati noaipati ami mihaati yamihapataatihi Autaahaatihomi anji awaindihandaatihi mihatihini Autaahaatiho komi ndimaahomwaaanji ahiyati bimimbipihini nandaataise. ²⁰ Ami sapihi kapihi Autaahaatiho sawaho bimimbipihini yamihapataatihi nyapi Jisaasiho nyami jihini aimi niyati Autaahaatihomi anghandi awaindihandaatihi nandaataise. Ko nyangi nyatatamanitandi nandaataise. Iyati ko sapihi Merikisetekihomatiyati ami Merikisetekihomihireti kiyati konihini jinjapihini jinjapihini pirisihoematataise.

Merikisetekiho So Apipaahi Awaisiho Ambipati Awaipatisahore

7 ¹ Merikisetekiho so aunahipati awaipati Saremihandami kinihini Awaisihore. Ko siyati awaisihoematati Autaahaatihopini kahapaamapipa nahataapaisuni isihiyaisuni osamati winjatisihore. Iyati ami ko Autaahaatiho autaaahi isihiyaisuni nahataapaisuni daahemwati autaaahopini pirisiho awaisihore. ⁴ Aihini jihura Abiraahamiho komi tiworisa kinihini awaisawihiyai kohematati tiwati owemapi taati anjipipihapini napihi Merikisetekiho nasati daihira nutanimi winjataise. Nutanimi winjati ko Autaahaatihoai nunjenataise Autaahaatiho Abiraahamihoai gaahati kawisati winjatitando. ² Aihini Abiraahamiho komihapaimatitandi kahapaamapipa nahataapa isihiyai tiwati owemati kiyaaamihapa ikipipa netaise. Siyati nesipipa napimasati ikwimaindimwitahaiwaapihini kapa kapaami ahiyai notaise. Iyatosati ikwimaindimwitimbipaami wapa neti ahiya ami wapa ikwimaindimwitimbipaami wapa neti yandihemapi noti owemataise. Siyati neti yandihemasipipaami ahoainjati kapa Merikisetekihoai nunyataise. Sandi Merikisetekiho totimandi Awaisiho Titihaiwaahihini mmonainjati kaisiho tawaatopo. Iyataati ami sandi Saremitotimandi Pwisipati Itihapipa Owetati Napaisaati Bimitaatiwihato tawaatopo. ³ Iyataati so Merikisetekopini komi noaipasirihiretapi ami komi saniyi sapiyaapi komi saisatoyaapi ami komi otipipati owemati napwisuraapi piwiha wa biyati ausaimaninati ko siyahoe tati windi Autaahaatihomini piwihaatihi jipatipinda ahimotise. Owetise. Ko nehi Autaahaatihomini Mwaahomatiyahore. Autaahaatihomini Mwaaho isihiyaapimainjihini isihiyaami aunahipati neti kiyaaamihooanji bitonda konihini jinjapihini jinjapihini taati Autaahaatihoai piwaundipatamatiyahore.

⁴ Iyataati so Merikisetekiho ambipati awaipatisahore apipaahi awaisihosi sahi baiwi mmoniwi gwinyaapise. Iyataati Merikisetekiho

^d 7:1 Ko isihiyaapuni ami kiyaaami maipihaiwaapi nandapa kohasipihini sisandipati tihati Awaisiho Autaahaatihoai dipumasihore.

so Abiraahamihoi nusatipihaaho awaisihore. Iyataati ami ipotihura saisatoya taahiyihya noaipaitaatiwihyaami satiho kahapaamapipa isihiyai tiwati owemati komihapaimatitandi nesipipaami ikwimaindimwi kapa kapaami ahiyai notaise. Iyati kapa ikwimaindimwi ahiyai naimbipaami neti yandihemainjati kapa koai nunyataise. ⁵Isi sahi gwinyaapise. Utaaho Ripaihomi mwaaya siya Abiraahamihonetapi namoyaatiwi noaipapihyaare. Ahi kiyai Autaahaatiho komi otipipati kawiji isihyaami maipihaiwaapi nandapa kohasipihohi tihiji sisandipapi dipumanitaatiwi ahiwisataise. Saiwi Abiraahamihonetapi noaipapihyaatihandi kandi Autaahaatiho Ripaihomihiyai neti yandihiwati otipipati komi pirihiyaimatitaatiwihati nunyataise. Nunyataati ami Ripaihomi saingosaahoyaamihetapi noaipahohiyihiyai winihapipa wapa Autaahaatiho sata nunyataise. Kahapaamapipa gimunyainjipipa sahi isiwatiwi ami nehohipipa ikwimaindimwitimbipaami ninaasaimbaahihini nisi otipipati isihyaami maipihaiwaapi nandapa kohasipihohi tihiji dipumanihohiyihiyai nunyawise undati kaundataase. ⁶Iyataati Merikisetekiho so Ripaihomihiyaamihetapi wandi namoapahondaahandi kandi Abiraahamihohi komihapa nesipipaami wapa nunyataise. Numwihohi ko netaati saundataase. Autaahaatiho gi gaahati kahisa ginjaati bimone undataase, Abiraahamihohi aimi Autaahaatiho komihetapi isihya nahatiyai gaahati kawitandi piwihohi jihohi timanati kaundahoaiso. ⁷Isi sahi gwinyaapise. Merikisetekiho so Abiraahamihohi nusatipihati apipaahi awaisihohi Apiraahamihohihohi Merikisetekiho bitondaati Autaahaatihoai kinyi kimoai gaahati kawimbi winjatime undataase. Sandi Abiraahamihohi Merikisetekihohi yatihitahotihohi kaundataase.

⁸Iyataati ami sandi isihya Ripaihomi satoya komi jitipatetapi namwiyaatimi nasohiyihya pirihiyaimatiwi Autaahaatihohi otipipati nepi isihyaami maipihaiwaapi nandapa kohasipihohi tihiji Autaahaatihoai dipumanihohi nunyawihohi gaapundohiyihyaare. Iyataati kimiya kiya Isiraherihya nandapa ami maahoaipati ami wapa wapa kipiwi nepi ahoyawaawi napimasawihohi ikwimaindimwi ahiyawihohi ami kapaami ikwihohi isundipihohi awitihohi nunyawihohi newaayopo kiya Autaahaatihohi otipipati isihyaapi kaisaihi anditihohiwitandihapa. Iyataati siya kiya Isiraherihya nandapa nunyohipipa nehohiyimiyaahihohi napopi owetitaatiwihya kiya kapa newaayopo. Aihohi kiya pirihiyaimatiwi wandi Autaahaatihohi otipipati isihyaapi nasisoaari kaimihohi namutaapo. Ami Merikisetekihohi kopihohi Autaahaatihohi piwihatihi wandi ko napwise taha nyahihohi awimihohi. Owetise. Kohi konihohi pirihihoematati asohohi bindata Autaahaatihohi otipipati isihyaapi kaimihohi notaise. Siyati namaapotihohi asohohi konihohi bimihohi Abiraahamihohi isamihohi daihira nutanihohi koaisihohi Abiraahamihohi ikipipa ami wapa isihiyai

aunahipati niyati tiwati nesipipa wihoaani ikwimaindimwitihipaami usaaha nunyataise. ⁹Iyataati ami piwiha aimi nyahi siyaati katihaato. Autaahaatiho winihapipa wapa ahiyataise. Iyataati winihapipa sapa sandaase, pirihihiya isihiya isihiyaami maipihaiwa Autaahaatiho nemwaitandihandapi nandapa maahoai tihwi Autaahaatihoai nunyawami gaapundiwi piwaundohiyihya kiyaami satiho Ripaihoetapi namoyaatiwi noaipahohiyihya Isiraherihya nandapa maahoai ami wapa wapa nepi ikwimaindimwapi ahoyohipipaami usaaha naasaahi kiyai nunyawise tati winihapipa kandaase. Iyataahandi kandi nyahi wani kimireti siyaati mmonihaayo. Ami Autaahaatiho siyati mmonataise, Abiraahamiho kapihi isihiya awaisawihya usaisi kiyaami aunahipa niyati tiwati kiyaami kahapaamapipa nesipipa ikwimaindimwapihi ahiyati kapaami usaaha naasaahi neti Merikisetekihoai nunyataise. Siyati ko numwisura ami Ripaiho sangi noaipasihura Abiraahamiho sandi kiyataise. Aihhi Autaahaatiho jasirihireti siyati noaipataise, Ripaihoumi ami komihetapi ipoti noaipapi Autaahaatihomi otipipati pirihihiyaimatiwi isihiyaapi kiyohiyihyauni Merikisetekihoai Abiraahamiho numwimbipa kiyai maawi nunyawaayopo. Ami kiya saiwi nunyohitimandaahi nepi saiwi nasooanawaayopo, Merikisetekiho so kiyai nusatipihati apipaahi awaisihore tiwo. ¹⁰Iyataati ami sura Abiraahamiho Merikisetekihoaisami nutanimi ami Abiraahamiho koai wapa numwimbipa Ripaiho sangi noaipasihura ami sanaati koai sangi namwihihuraaso. Iyataahandi kandi Ripaiho sura satiho Abiraahamihomi ambipateti kipundataise. Iyataati Abiraahamiho Merikisetekihoai numwimbipa sapa komi satiho Ripaihopuni ami komi saisatoya ipoti ipoti Ripaihoetapi noaipaitaatiwihyaami ambipataahi maawi kiyataise.

Jisaasiho Merikisetekihomatiyahore

¹¹Isi ami nyahi bapiyaati japihi Jisasi Kiraisiho Autaahaatiho Merikisetekihomatiyati isihiyaapi komi otipipati kawitandi namihainjihopi gwinyaitihaawo. Iyataati ami usa satiwi nasendaapo, o ami Ripaihoetapi namwiyaatohiyihya Autaahaatihomi winihapipa katirihireti japelihiriwi noaipapi pirihihiyaimatiwi isihiyaapi Autaahaatihomi otipipati kaisaihaahi ami pirihihi wo wipetaho ko isihiyaapi nanipimati kiyaami aunahipati neti Autaahaatihoai piwaunditandihoi napindapi Autaahaatiho namihainje? tiwi nasendaapo. Sandapi wihoaanihi nini sangi kasatitaano. Autaahaatiho nyapi koai piwaunditandihoi koai apipaahi wipetahoi namihainjitimandi ami ko Merikisetekiho kairihireti kiyati Autaahaatihomi otipipati nyapi nga kaitandihoi namihanataise. Ami ko nyapi Autaahaatihomi otipipati kaipati ami isihiya Ripaihoetapuni ami komi satiho Aronihoetapi noaipahohiyihya isihiyaapi aunahipa nepi Autaahaatihoai nandapa maahoai tihwi

nunyawi otipipati kiyohirihireti kiyataamaise. Iyataati ami Mosesiho Autaahaatihomi winihapipa isihiyai nunjati saundimbipa sahi sireti Autaahaatihomi otipipati kawiwise undirihireti kawiji ami winihapipa kapa japepihiritaatiwi nunjitaatiwihiyai namihainjura nehi Autaahaatiho sawaho namihainjihiyai Mosesiho neti Autaahaatihomi otipipataatihi ahiwisataise. Ami kiya saiwi otipipati kati nga kiyawaahandi kandi kiyaami otipipati isihiyaami maipihaiwa windi nga nemaumwasihi ami kiya noaipapi Autaahaatihomi ndiheti kiyaami omarititihini windi saasnetati titihimetise. Owe. Iyati kiyaami otipipati isihiyaapi nandapa maahoai tihwi dipumaniwi Autaahaatihoai nunyohipipa kiyai numwaasi deti Autaahaatihomihini windi namaise. Owetise.

¹² Ami wanihi Autaahaatiho utaaho isihiyaami aunahipati neti kiyaapi nanipimati Pirisihoematati Autaahaatihoai piwaunditandihoi apipaahi koai nehi wipetahoi namihanati ahiwisataise. Iyataati so pirisiso isihiyaami maipihaiwa nga nemwaitandihoe. Siyati nga nemwaitandihosi nga isihiyaami maipihaiwa nemwasihi kiya noaipapi Autaahaatihomi ndiheti gaahiya ainhaihiyaatawaayopo. Ami Autaahaatiho kimikireti kiyati pirisihiya isihiya isihiyaami maipihaiwaapi nandapa maahoai tihwi koai nunyawi dipumaniwi piwaundohiyihiyaisuni ami winihapipa otipipati kimati kati kapa kaundirihireti mmoniwi kaitaatiwi Autaahaatiho Isiraherihiyai numwimbipauni ahoyati nemaitaise. Iyataati Autaahaatiho pirisiho nehi koai wipetaho isihiyaami aunahipa neti kiyaapi nanipimati Autaahaatihoai piwaunditandimoai namihainjura winihapipa sapa jihapa kapaanihi apipaahi nemataise. ¹³ Iyataati pirisiho utaaho nehi koai wipetahopi nyahi kimba piwima taawaati katimi nasohimo nyami Awaisiho Jisaasihore. Ami ko isihiya Ripaihoetapi noaipahohiyihiyaamihomahe. Owetise. Ami koi nehi isihiya usetapi noaipahore. Kimikandapi Autaahaatiho ko nehi utaaho koai wipetahoi pirisihoematitandi namihanataise. Ami Autaahaatihomi isihiyai neti anditihonihini ami kiya Autaahaatihomi otipipati nga kawitaatiwo. Iyataati isihiya kiyaamihetapi nyami Awaisiho Jisasi Kiraisiho noipasawihiyaami usa Autaahaatihomi otipipati nepi isihiyaami maipihaiwaapi nandapa maahoai tihwi dipumaniwi nunyawi Autaahaatihoai windi piwaamundopo. Owetise. ¹⁴ Iyataati ami nyahi nahatiyaani mmonihaayo. Nyami Awaisiho isihiya Judaahomihetapi namwiyaatohiyihiyaamihetapi noaipahoe. Iyataati ami Judaahomi isihiya Autaahaatihomi otipipati nepi isihiyaami maipihaiwaapi nandapa maahoai tihwi Autaahaatihoai dipumaniwi numwitaatiwihandi sandapi Mosesiho windi kamaatise. owetise.

¹⁵ Ami nyahi auta mmonihaayo Autaahaatiho nyangi daihira wanihira gaahira komi otipipati kawisaati komi ambipati niwimaitihaahira neti nanyisataise. Iyati ami utaaho Merikisetekihomatiyati pirisihoematati

nyapi komi otipipati kawitandiho nehi koai wipetahoai namihanataise. ¹⁶Jisaasiho noaipati pirihoematati nyami aunahipa neti nyamihiohaapi bitondaati nyapi Autaahaatihoai piwaunditandihoematindimandi Mosesiho winihapipa Isiraherihiyai numwimbipa japepihirati noaipataamaise. Owetise. Iyataati winihapipa Mosesiho Isiraherihiyai satati kaundati numwimbipaapito. Isihya nehi Ripaihomihetapi namwyaatohiyihyaahihhi pirihiyaimatiwi Autaahaatihomi otipipati nepi isihyaapi kaitaapo tati numwimbipaapimaato. Owetise. Ko siyahaapi noaipataamaise. Ko asoho konihi watipihandisaho bimaami nairihiretapi noaipati pirihoematati ami nyapi Autaahaatihoai piwaunditandihoematataise. ¹⁷Nyahi kopi sataati ko konihi asoho watipihandisaho bindataati nyapi Autaahaatihoaisati konihi piwanatoatitaise tohitimandi ami kimandapito. Autaahaatihomi piwiha aimi jipatipindisihaatihapi Autaahaatiho koai satati kaundise.

“Kinyi Merikisetekihomataimbi kinyi isihyaapi aunahipa nepi kiyaapi ningisi konihini piwandapwaatitaise undise,”

Aunihihiri 110:4

tati jipatipindise. ¹⁸Iyataati piwa sa katohiha neti siyati nyangi nanyisataise. Winihapipa jihapa isihya isihyaami maipihaiwaapi nandapa maahoipati tihwi Autaahaatihoai dipumaniwi waamaindumapi nunyaw piwaundohiyihya pirihiya nepi isiwatawa kiyohipipa nahataapa ami pirihiya sawanaimaawi aimi nemataise tati neti nanyisataise. Iyataati saiwa Autaahaatiho nemasitimandi apaapimahe. Ami saiwa winihapipa isihya japepihiriwi Autaahaatihomi otipipati kawisohiyihyaami maipihaiwa windi nga nemaumwasihe. Iyati kiyai numwaasi niyati Autaahaatihomihini deti windi ahimaawihe. ¹⁹Iyataati jihuraahi Autaahaatihomi winihapipa ahotihi japepihrotihandaahi isihya noaipapi Autaahaatihomi ndiheti gaahya ainahiyihyaaimatiwi Autaahaatihomi deti windi namaayopo. Owetise. Aihhi ami Autaahaatiho Jisaasihoetapi daihira gaahira danyuwataise. Danyusitimandi nyahi Autaahaatihomihini deti nutihaawi kiyataise.

²⁰Iyataati ami Autaahaatiho Jisaasihoai namihainjura nehihandi namihanataamaise. Jihhi piwiha watipitati katatosati pirihoematati ko koai kaisati namihanataise. O ami pirihiya usaisi Autaahaatiho piwiha wa watipitati windi kamaatati nehihandi namihanataise. ²¹O ami Jisaasihohi Autaahaatiho piwiha watipitati katisiheti noaipati pirihoematataise. Iyataati Autaahaatiho koai namihanataati watipitati katisiha piwiha wapihi jipatipindisihaatihapi Jisaasihopi satati katise:

“Nini Awaisihonini Autaahaatihonini kinyapi piwiha kima watipihhi watipindi sandi kandaato. Ami nini akitihini nisi piwiha jihhi katohiha nemaamati titihi kireti kapa kaito. Kinyi pirihojimatipi konihini jinjapihi jinjapihi bimitaise,”

Aunihihiri 110:4

tati katihī jipatihindise. ²² Ami piwima kima katati jipatihindati ahotirimiri kireti Autaahaatiho piwiha komi isihiyaisati kiyai wapa kawitandi watipitati wisasisihaami akipipa kasitaise tati Jisaasiho jatataise. Iyati Jisaasiho nyangi siyati neti nanyisataise, Autaahaatiho piwiha waniha sangisati wisasisiha jihai nusatipihaati gaahaasi jihireti nusatipihaati wanihireti ko sangi kasitandi katimbipa akiti titihī kireti kasitaise tati neti nanyisati itatamanati jatataise.

²³ Iyataati ami sandihimahe ami windi kimiyati ahondaise. Jihura Mosesihomi winihapipeti, piwiha kiyaisati jihī wisasisihaatihī isihiya pirisihiyaimatiwi isihyaapi nanipimapi Autaahaatihomi otipipati nepi kiyohiyihya taahiyihya noaipawaayopo. Sandi saiwi kiyotimandi kiyaami otipipati katinihī kiyaanihi windi kamaiwi keti napowaawi sandapi asiyihya noaipapi napohiyihyaami aunahipati newaayopo. ²⁴ Ami Jisaasihohi pirisihomatati asoho konihī bindataise. Isi ami ko komi isihyaami aunahipati neti kiyaapi Autaahaatihomi otipipati kawisati bimipati utaaho wo windi namaitaise. ²⁵ Isi ami sandi kandapi Jisaasiho wanuni nasisoaruni isihya komi ambipataahi Autaahaatihoenda nasohiyihyai maipihaiwaatihapi nga numwaitaise. Ami Jisaasiho watipihō konihī nasisoari bindataati komi isihiyai Autaahaatiho iwitatamanati anditiwiwitandi kiyaapi konihī Autaahaatihoai taati piwaundati nunjenati gaapundataaso.

²⁶ Iyataati uta kimo Pirisiho Awaisiho nini kopi taati piwima kasatimi nasohimo sohīhi nyangi nga nyami maipihaiwaatihapi nanyamaati ami nga nyatatamanitaise. Ami ko utaaho siyati setahoso. Autaahaatihomi ndiheti apipaahi gaaho ami saasanotahoso. Iyati ami ko maipihandi apipaahi windi kamaayahore isihyauni ami Autaahaatihouni piwiha nepi koai saundiwi kinyi maipihandi kaimbihōje undiwi ikiwitaatiwihando. Iyati ami ko komi amitiheti ami maariho omanjititihī maipihaiwa apipaahi windi gimunyaati ami windi kumaurimundahore. Iyati ami ko yapimbataapihī isihya Autaahaatihomi winihapipa nemapi maipihaiwa kaiwihyaamihatihī bimisura ko kiyaami kiyohiwaiwa windi kamaayati nehi utaaho anjiniho koai yandihī bimainjahore. Ami ko saihī Autaahaatiho neti autaahi niwimaati ambipati awaipati numwihī mihaati yamihapataatihī Autaahaatiho sawahoaisati maasi awaisihomatati bindataise. ²⁷ Iyataati ami ko usa isihyaami maipihaiwaapi nandapa tihīwi Autaahaatihoai nunyohiyihyaami mitihya jihya maapi yapipatambihyaamatyahomahe. Owetise. Kiyaamatiyati komi maipihaiwaapi jihī nandapa kohasipihō tihati Autaahaatihoai nunyatosati ami ipoti isihyaami maipihaiwaapi nandapa kohasipihō tihati Autaahaatihoai asisi nahateweti nunyatoaatitandō. Ami ko windi siyati kiyaamatiyati kiyataamaise. Owe. Ami kohi nehi naasaindihī nehi naasuraahihī isihyaami maipihaiwa Autaahaatiho nemwaitandi koai

nunyanataise. Iyati ko isihiya nahatiyaami maipihaiwa nahatewaapi osamati namaasati nehi naasuraahihi komi maariho ambipati utaaho nahato Autaahaatiho maaritirihireti ipi titihi atawihateti nimaatati komi jitipati neti nuhaati ami kapa nesi niyati mihaati Autaahaatihomi ndimaahomwaanji ahiyati isiwati bindataise. Ami kapa Autaahaatiho mmonataati maipihaiwa nemwaitando. ²⁸Ami piwiha katimi nasohiha katawa osasepihaitihaawihamwaanji siyate. Isihiya watipihandi andititiwi Autaahaatihomi piwiha japepahiritaatiwihandi owehiya kiya Mosesiho winihapipa ahairihiri kireti isihiya isihyaapi Autaahaatihomi otipipati kawisohiyihyaami mitihiyai namihanawaayopo. Kiyai sawisawaahandi kandi ipotihura Autaahaatiho Jisaasiho komi Mwaahoai namihanataise ami ko noaipati komi isihyaapi Autaahaatihoai piwaunditandihomatitendo. Autaahaatiho jiji gwinyaasirihiri kireti japepahirati piwiha wapa kaitandi jiji timanati katisihaami tiwatihaati wa watipitati katati komi Mwaahoai namihanataise. Ami sandi Autaahaatiho Mwaahoai kawindimandi ami komi Mwaaho Jisaasiho Autaahaatiho maaritimbipa kapa titihi nga kawisahotihe, ami koai naagawisati kimbwimainjihandi kando.

**Jisaasiho Nyami Aunahipati Neti Yamihapataatihi
Taati Autaahaatihoai Piwaundataase**

8 ¹Iyataati nini piwiha aimi kasatohiwimaiwaami titihi piwiha akaaha siyahaare. Nyapimainjiji nyami aunahipati neti nyapi taati Autaahaatihoai piwaundisiho yahore. Iyati ami ko niyati Jihimatati Isihiyaisuni kahapaamapipai Daahemati Jatisihomi ikwiri gaatihiraihoaanji ambipati awaipati neti yamihapataatihi maasi Autaahaatihoaisati kahapaamapipa jatataise. Iyataati ami apipaahi akiti akitinihi ko nyamihihooanji bitondaati nyapi Autaahaatihoai taati piwaundataase ko nyangi anditinyaiwa nyatatamanitendo. ²Iyati ko niyati Autaahaatihoaisati maasi bimimbipihii sapihi Autaahaatiho sawaho satati kimbiihi nisi bimohipimbiihi kapihapi isihiya ningi nepi mepi autaahepinimaitaatiwe tati katati sawaho Autaahaatiho namihana ahiyahapihe. Nehi isihiya katiwi namihaniwi ahiyawihapihimahe. Owetise. Isi kapihi Jisaasiho Autaahaatihomi otipipati nyami aunahipati neti taati piwaundataase.

³Iyataati ami isihiya isihyaami maipihaiwaapi nandapa tihiiwi sisandipapi Autaahaatihoai dipumaniwi waamaindumapi nunyohiyihyaami awaisiho mitihoai ahiwisawaayopo. Saiwi namihaniwi ahiwisoho so komihati otipipatisahore. Iyataati so mito kinaungwiha ninaasaami nehi naasaraahi Autaahaatiho bindata isihiyai winjatirihiroti nandaati isihyaami maipihaiwaapi nandapa tihati dipumanataise. Aiwi ami kiya wapa nandapa Autaahaatihopi maaritiwi gaare undiwihapai

maawi isisi Autaahaatihomi ndiheti nowaayopo. Iyataati ami Jisaasihomi numwimbipa Autaahaatichoai siyate. Autaahaaticho nyami maipihaiwaapi apowindihandi neti yatihiwawati Autaahaaticho sawaho maarita gwinyaasirihireti japepihira ipateti nimaataaise. Nimaatindimandapi Autaahaaticho gwinyaataati nyangisi maariho asipinyisati nanyamaitando. Aihi ko Jisaasiho komi ambipati komi jitipati nunyainjipati nesiyati Autaahaatihomi ndimaahomwaaŋi aŋititihiti gwitihooasini yamihapataatihiti ahiyataise. ⁴Iyataati ami Jisaasimo yamihapataatihiti bimimoti kimaapi yapimbataapihi bindataataahi isihiya isihyaami maipihaiwaapi nandapa tihwi Autaahaatichoai dipumanihohiyihyaamatiyati windi kamaitaihe. O sandi apaapimahe, Mosesihomi winihapipa aimi ahotirihireti japepihiriwi Ripaihomi satoya kati otipipati kaitaatihwihiya aimi bindawaayopo. Kiya saiwi kiyawaayopo. O Jisaasihohi kimaapi yapimbataapihi siyati kiyataamaise. Owetise. Yamihapataatihiti bindata nyamihihooaŋapi Autaahaatichoai taati piwaundataase taati gwinyaitihaawo. ⁵Iyataati isihiya isihyaami maipihaiwaapi nandapa tihwi Autaahaatichoai dipumanihohiyihya aŋihandi nehi gohaparihandaatihiti Autaahaatihomi otipipati kawisawaayopo. Sandi aŋi gohaparindaatihiti Autaahaatihomi otipipati kawitaatiwi aŋimatotindi yamihapataatihiti Autaahaaticho bimimbipihiti akitihandi ahotihandami nehi siwipati namihana noaipataise. Akitihandi yamihapataatihiti ahotihiti kandami nehi siwipate totimandi apaapimaato. Mosesiho aŋihandi gohaparihandi Autaahaatihomi otipipati kawitaatiwihandi aŋimatitandi timaninati detindaise. Timaninati detitihiti Autaahaaticho Mosesihoai saundataase. “Aŋaŋi nisi otipipatapi gohaparihaaŋi aŋimatapaapi nini kaindihisati saimbi setihaaŋi aŋimatehititi sisiho Sainaihoasini bimingura kahitohimumwaaŋi kamwaaŋi baimbi gwinyaapi japepiliripi itatamanipi aŋimatitaape,” undataase. ⁶Iyataati ami Jisaasimoaisaahi ko nyamihihooaŋi bitonda nyapi Autaahaatichoai piwaunditandi Autaahaaticho namihana ahiwisataise. Jisaasiho siyati kaindimandi nehi isihiya yapipatambihiya isihyaami maipihaiwaapi nandapa tihwi Autaahaatichoai dipumanihohiyihya kiyohitihandi nusatipihahandi apipaahi awaindahandi kiyataise. Sandi apaapimahe. Autaahaaticho satindahandahe. Nini Jisaasihohi nisuni samuni otihapihiti ahiwisanihi ko otihapihiti bitoaitande. Bitohonihiti Nini komihetapi sanga piwaasatisanihi ami sahi Jisaasihomihihooaŋapi piwandisaihi piwanaati nini samihoninitisanihi ami sahi noaipapi nisihiyaatimatitaatiwe tati katindahandahe. Satati katindimandi jihiti aimehura komi isihiya Isiraherihyaapi Mosesihoai kaundati ahaisihai ipihatisamaha awaisiha kandaate. Ami wani komi isihiyaisati piwiha wisasisimetapi gaahaiwa kawitandi katiwaiwa ami jihiti Isiraherihyai kawitandi kaundati ami kaiwa kawiwaiwai nusatipihaaŋi apipaahi gaahaiwaaso.

**Autaahaatiho Komi Isihiyaisati Wani Maasititandi Jihura
Piwiha Timanati Katisihai Nusatipihaaha Kandaase**

⁷Autaahaatiho Jisaasihomihetapi nanyamaahonihi nyahi noaipawaati komihyaanimainjaihi ami ko noaipati nyami Autaahaatihoematitandi piwiha aimi timanati katisiha jihi katati ahaisihai nusatipihaahe totimandi siyatitihito. Isi kaapi wonji japwaati onihiti kasatitaano. Jihura Autaahaatiho komi isihiyai nini sami Autaahaatihonimainjanihi ami sahi nisi Isihyaatimainjaihi nini sangi jainjaati bimitaano undati piwiha timanati kaundataase. Satati kaundisiha sa nehi wapaahi kawisataati ami komi isihyaami maipihaiwa nemwati apipaahi ainahiyihiyemaitandi kandaamaase. Owetise. O waniha piwiha timanati Autaahaatiho katisima isihyaami maipihaiwa kiyohiwaiwa nemwahonihi kiya noaipapi Autaahaatihomi ndiheti gaahiyaimatitaatiwihandapiha kandaase. ⁸Ami sandi isihya Autaahaatihomi ndiheti noaipapi windi kiya gaahiya saasanotahiyaametindimandi apaapimahe. Isihya piwiha jiha komi isihiyai Autaahaatiho piwaundati numwaahonihi kiya noaipapi komihiyaimatitaatiwi iwinjatitandi wisasati numwisahaatihi bimohiyihiyai Autaahaatiho saundataase. Nisi piwiha atihomaaniwi apipaahi maipihyaate undati kaundataase. Ko kiyai saundataahandi kandi ami isimiya kimikiyaapi komi piwiha aimi jihi wapihii jipatipindisihaatihapi Autaahaatiho sandaase.

“Nini Awaisihonini sangi kimandi kasatataatoni sahi atiwise. Nini Asisiha wura wapa asipipa kaitandihura namihanataayo. Nini nisi isihya Judaahoetapi noaipahohiyihiyaisatuni ami Isiraherihya nahatiaisatuni piwiha asaaha ami nehi kai wa wisasito. wisasati nunyati kiyai nini piwiha nunyati numwaasanihi kiya noaipapi nisihiyaimainjaihi winjatito. ⁹Iyataati ka piwa nisi isihiyaisati wisasoha jihi kiyaami saisatoyai yapipati Isipihandaahapi nuti numwaasi baindi winjatimi nasohura piwiha wisasati nunyohihaamatimetati nehi kai waare. Ami kiya nisi piwiha jiha sa windi wisasati piwaunditi nunyoha baiwi kiya kaitaano tohirihireti windi kamaiwi nepinimihauhi ami nini kiyai ahosumwati namataayo. ¹⁰Iyataati ipotihura asisiha nini niwahonini namihanohiheti isihya Isiraherihiyaisati piwiha waniha kai nehi wa nini katohiha wisasito. Nini Awaisihonini sangi kimandi kasatataato. Akipipa kimaiwa nini saindi kaito kiya daiwi bimitaatiwihiretapi nini gwinyaati maaritohitihandi kiyaami amitiheti neti giwunyaati nunjito. Ami kiya kiyaami maariho omanjititihii kandi nepi kipiwi giwunyaatonihii kireti daiwi bimitaapo. Aiwi ami nini nehi naasoninihii Autaahaatihonini Akohoninihii kiya mepi autaahepinimapi

nisi otipipati kanisaihi ami nini kiyai iwitatamaniti winjatito. ¹¹Nini sawisanihi ami kiyaami wo komi naisihiyaisuni ami sawahomi saingosaahoyai saundati sahi ninaasonji ninaasaanjihi Awaisihopi atiwi mmoniwi ami gisunyaatati nasesipatane undati kaundati ami katamunjitaise. Owetitaise. Ami kiya nahatiya ninaasohi ninaasaamihi ambipati awaipatisahiyauni ami ambipati awaipati owehiyauni aimi nisi isihyaasi nisapi aimi mmoniwi giwunyaatati nusesipatahiyaaso. ¹²Ami kiya aimi nisi isihyaasi nisapi kiyai giwunyaatati nusesipatati ami mmoniwihiyaare. Ami kiya nisi isihyaatihi kiya maipihaiwa isihya usaisi kawisohiwaiwa nemwaito. Aindi ami kiya nisi ndiheti nini windi maarimitohiwaiwa maipihaiwa kiyohiwaiwa neti nini kaiwaapi windi gimunyaati apipaahi nanipimandimaito,”

Jeremiyaaho 31:31-34

tati katise.

¹³Nyahi siyaati mmondihaawi piwima ipotima Autaahaatiho wisasati nanyamisimaapi waniha asaahaare tati sata kandaase. Kima Piwiha Wanihaare ndaase. Ko satati kandaati piwiha jihi wisasati nyangi nanyamisahaapi aimiha jahihandaati kaami otipipati owe ndaase. Ami sandapi nyahi yawanaani aimi gwinyaawaahiyaane, wapa noaipati aimi jahipipaimainjihi ami kapa nyahi namihaayo.

**Anji Gohihandaatihi Autaahaatihopi Gaapundiwi Nandapa
Maahoapatami Jitipati Autaahaatihoai Dipumanawaayopo**

9 ¹Nini piwiha aimi kasatohihaamiha jihaati sandi kasatitaano. Autaahaatiho Jisaasihomihetapi nyangisatitonihini ami nyahi komihyaaninititihaawi piwiha timanati kandaase. Aihi ami Jisaasiho nyami aunahipati neti nyamihihooanji bitonda taati Autaahaatihoai yamihapataatihi piwaundataase. Iyataati ami jihuraahi Autaahaatiho komihiyai sahi nisihiyaatimatisaihi ami nini samihonimandi jainjaati bimitaano tati piwiha timanati kaundataase. Sata kaundisura winihapipaisati ahoyati nunyataise kapa winihapipa katirihireti japepihiriwi Autaahaatihomi otipipati kawiwu kopi gaapunditaatiwo. Iyataati ami anaanji waanji nehi gohihaanji isihya anjimatawaayopo kandaapihi Autaahaatihopi gaapundiwi ami komi otipipati kawitaatiwihaano. ²Kiya saiwi anaanji gohihaanji anjimatawaayopo. Gohihaanji anaanji anjimatiwosawi yatimwi yatipiyawaayopo. Yatipiyaposawi jihandi sandi satiwi ambihitawaatopo. Isihya kiyaami maipihaiwaapi nandapa nesi nuwi tihwi Autaahaatihoai dipumanitaatiwihireti tiwi ambihitawaatopo. Aihi kandoti sisihaiwa tipopi ahiyawu ami ganiho wo kaiwi koasini biretihandi ahiyawaayopo Autaahaatihomi ndiheti ahotitandihandi. (Sapa kihirotohandi mitaahandi

yatipiyahotihandoti ahondaise.) ³ Aihi ami metaahi yatipiyahotihandi kapihandi sandapi satiwi ambihitawaatopo. Nehi Autaahaatiho sawahohi kiroti bindata komi isihiyai winjatitandihirote tiwi ambihitawaatopo. Sauri yatipiyahowaurami otihapihhi apotihiri minjatinahiri apipaahi mwipihira mihasinapi mihaapi kirinihi yatipiyapi Autaahaatiho bimitandihiroti nimbipuwataise. ⁴ Aihi kiri apotihirami kimbaahi deti kiraini ganihomatiyahonji masihonji nehi gorihandaahihhi kaiwihonji ahiyawaayopo. Iyataati sonji ganonjaasini isihyaami maipihaiwaapi nandapa tihwi Autaahaatihoai dipumanitaatiwihonje. Iyataati sandi yatipiyahotiroti nehi Autaahaatiho sawaho bimitandihirote tiwi ambihitawaatopo. Aiwi ami pausihandi windi nehi gorihandaahihhi kaiwihandi awainaahoetahandi ahiyawaayopo. Iyataati sandi pausimandi Autaahaatiho komi isihiyai winjaati bimitandihandapi timanati piwiha kaundisiha gwinyaitaatiwi namihanahande. Iyataati ami kandi pausimandoti kaapiho wo gorihanda kaiwiho ahiyawaayopo. Aiwi ami so kaapopi nandapa biretihandi manaahandi jihura Autaahaatiho nandapa owehapihhi nehahaati Isiraherihiyai numwimbipaami wapa ahiyawaayopo. Aiwi ami kandi pausimandoti Aronihomi irihiri ngirihiri jihura Autaahaatiho katihi ahiyawosauhi asirimatati yanisirihiri ahondaise. Aiwi ami kandoti nawiha wandipati taapirehandi Autaahaatihomi winihapipa ikwimaindimwitihapa jipatipindisiha ahiyawaayopo. ⁵ Iyataati ami kandi pausindami mipateti maahomwaanji nehi siwipati yatimwi kaiwi wihooanji witi ami wihooanji witi ahiyawaayopo. Sauri siwipauri isihya gorihandaahihhi Autaahaatihomi otipipatihya yamihapataatihi komi ndiheti kiyaanihi bimohiyihyaapi namihaniwi isihya kaiwi ahiyawaayopo. Kaiwi pausihandami mipateti namihapi wisasawaayopo. Iyataati sauri siwipauri ditatisahaurisi kaurami ditati tusapaapanati pausisindisi namaasataise. Aihhi sapihapi isihya satiwi ambihitawaatopo. Isihyaapi Autaahaatiho jitipati mmonataati maariho asipiyati kiyaami maipihaiwa nemwasipipihe tawaatopo. Isi saiwaapi nini wani kimura windi waati pihindi kamaatito.

⁶ Saiwi kiya anjimatiji kahapaamapipa katihi ahiyawo owetihi isihya isihyaami maipihaiwaapi nandapa tihwi Autaahaatihoai dipumanihohiyihya namasawi yatipiyahotihandi jihandi mitaahandoti asisi nahateweti nandaapi noaipapi isihyaami maipihaiwaapi nandapa tihwi dipumaniwi ami isihyaami aunahipa nepi Autaahaatihoai piwaundiwi kopi gaapundawaayopo. Saiwi kiyohitimandi Autaahaatihomi winihapipa kaundirihiri kireti kiya japepihiriwi kiyawaayopo. ⁷ Ami isihya isihyaapi Autaahaatihomi otipipati komi anjanji otipipati kawiji ami Autaahaatihoai nandapa maahoipati tipi tihwi Autaahaatihoai waamaindumapi dipumaniwi ko isihyaami maipihaiwa nemwaitandi piwaundiwi gaapundohiyihyaami mitiho

nehi sawaho naasohi asisiha nehi naasaara kinaungwiha naasi naaseti yatipiyahotihandi metaahandi Autaahaatiho komi ndimaahomwaaagi ahiyati jaati bimimbipihimi mihatihimi nandaataise. Iyataati sandi yatipiyahotihandi metaahandi Autaahaatiho nasati bimindahandoti isihiya Autaahaatihomi otipipati kiyohiyihiyauni isihiya nahatiya windi namindaapihirote ami kiya windi namindaapise tati itihapipa ahotiho. Autaahaatihomi otipipati kiyohiyihiyaami pirisiho mitiho nehi sawahohi katihi nandaahatihe. Iyataati ko kinaungwiha ninaaseti asisiha naasara katihi nandaataahura ko nehi taanaho niyati nandaataamaise. Owetise. Nehi taanahiho ko windi apipaahi namindaitaise. Ami ko kauhoaisangi ami sipisipihandisangi tiwati kapaami jitipati isisi nandaataise. Nandaati kaangi bokisihandi awaindihandi Autaahaatihoai komi otipipatapi wapa nunyohipipa windihandi katihi ahotindihandami awihaasini Autaahaatiho mmondandi jitipati ahiyataise. Jitipati ahiyatosati ko sawahomi maipihandi Autaahaatiho nemwaitandi jihi sawahopi Autaahaatihoai piwaundati nunjenataise. Iyatosa ami kasini ipoti isihiya nahatiyaami maipihaiwa nemwaitandi Autaahaatihoai piwaundati nunjenati gaapundataase. Iyataati sati jitipiti ko nesi niyati ahiyatosati gaapundati Autaahaatihoai piwaundipiti isihiya maipihaiwa Autaahaatihomi ndiheti kiyohiwaiwaapi kiya apipaahi nanipimainjihimi ami maiwa maipihaiwa kiyihaayono maatiwi nehi nanihaiwi kiyohiwaiwa Autaahaatiho nemwaitandi Autaahaatihomi ndiheti nesiyati ahiyataise. Isihiya Autaahaatiho saiwa maipihaiwaasi sahi windi kamaiwise undiwaiwa kiya gwinyaawaahandi kandi kiyohiwaiwaapaahi windi jitipati nesiyati ahiyati gaapimundise. Owetise. ⁸Iyataati sa piwiha winihapipa isihiya nehhiya Autaahaatihomi Aqaangi yatipiyahotihandi mihatihandaatihi namindaapise tati ahotihimi nyahi mmonihaayo. Iyataati sandaahi nyangisi siyati neti nanyisataise, isihiya nahatiya mihatihimi Autaahaatiho komi ndimaahomwaaangi ahiyati bimirihiroti windi namindaitaapo. Namindaapi ami kiyaami maipihaiwaapi titihi sawana Autaahaatihoapihi deti naiwi koai windi piwaamunditaapo tati neti nanyisataise. ⁹Ami piwima siyati isihiya nahatiya mihatihimi mihapaahi Autaahaatiho komi ndimaahomwaaangi ahiyati bimimbipihimi windi namindaapise tati ahotihimi ami isihiya nahatiya nehi kimbaahirotihimi nandaawaayopo. Aiwi ami kiya Autaahaatihomihini deti windi namaayopo. Sandi neti kiyai siyati nunjataise. Wanimura kimura isihiya saiwi mmondaatiwe. Mosesiho winihapipa kaundirihireti japepihiriwi nandapa maahoaiwa gaare undiwuni ami kiyaami maipihaiwa nemwaitanduni Autaahaatihoai nunyauhahandi kandi kaiwa neti kiyaisi Autaahaatiho kiyaisi saundati nisi ndiheti sahi noaipapi apipaahi gaahiyaati saasanotahiyaatitihimi nini baindi jasoti sapi maaritataayo unditandihireti ahimaawise. Owe. Iyati

ami kaiwa kiyaami amitiha maariho omanjititih gwinyaahohitihandi neti saasanotahiyemwati popitihiyemwaamase. Owetise undati kiyai neti nunjataise. ¹⁰Iyati ami isihiya Mosesiho winihapipa kaundirihiri kireti japepihiriwi kiyaami gaarehaiwauni ami kiyaami maipihaiwaapi nandapa maahoaiwaipa Autaahaatihoai nunyohiyihiyaisangi kaiwa mmonatosati kiyai Autaahaatiho windi samundise sahi nisi ndiheti apipaahi gaahiyaate mundise. Owetise. Ami sandi apaapimaahae. Winihapipa kiya japepihirohipipa nandapa maahoaiwaipa ami waapoho kiya nanihohipipaapuni ami nehi ambipati bausohipipaapitahaiwaatihe. Iyataati saiwa kiya winihapipa japepihiriwi kiya kiyohiwiwa nehi kimaati tiwatihaati ambipateti kiya kaitaatiwi kaundati ami mihatih maariho omanjititih titihematitaatiwihandapi windi kamundindihandaahae. Iyataati ami Autaahaatiho ipotihura kiyai nga neti titihemwaitandihira daihira nunjitandi saiwa nehi wanapi gohihaiwa numwihaiwandaate.

Kiraisiho Nyapimainjihi Nyapi Jitipati Nuhaasipati Autaahaatihoapihi Ahiyataise

¹¹Jihura isihiya saiwi kaimi napimbiiwihandisi wani kimuraahi Jisaasiho sawaho titih noaipati Pirisiho Awaisiho Mitihomatati nyapi nyami aunahipati neti Autaahaatihoai taati piwaundataase. Jihura Autaahaatiho Jisaasihomihetapi isihiyai gaahati kawisati japihi numwaitandi piwiha timanati katisiha Jisaasimo neti ka akemati kiyati isihiyaami maipihaiwa nemwataise. Nemwati asiyihiyaimatitaatiwihandi nunyataise. Ko nyangi sanyindimandi nyapimainjihi nyami aunahipati neti yamihapataatihi Autaahaatihomi bimimbipihhi komi ndiheti taati nyapi piwaundataase. Sapihi Jisaasiho bitonda taati Autaahaatihoai nyapi piwaundimbipihhi kimaapi yapipataapihi Autaahaatihohihhi bimitandihapihe tiwi aanaani gohihaani ambihitiwi animatotihandisi apipaahi waati nusatipihamaahande. Iyataati sapihi Jisaasiho bitonda taati nyapi Autaahaatihoai piwaundimbipihhi nehi isihiya kaiwi ahiyawihapihimaahae. Owetise. Iyataati kimaapi kahapaamapipa Autaahaatiho kiyati ahaimbipaisati ahoyati kiyati windi ahimaise. Kiyati ahimaisi sahi kandi windi mondaapo. ¹²Utaaho yapipaataambiho kinaukwihha nahateweti asisiha nehi naasaaraahi isihiyaami maipihaiwaapi maasapiho memetihirami jitipatuni ami maasapiho kauho sapiho sipipihohomi jitipatuni isisi nandaati mihatih Autaahaatiho sawahohihhi bimirihiroti komi ndiheti ahiyataise. Iyataati Jisaasimo kiyaamatiyati kiyataamaise. Owe. Jisaasiho komi jitipati sawahomihati ipi titih atawihateti nuhoamasipati neti komi ikwiraahi sawaho isisi niyati Autaahaatihomi bimimbipihhi komi ndiheti ahiyataise. Iyati ami ko Jisaasiho komi jitipati pihitihaiwaara isisi niyati Autaahaatihomi ndiheti ahiyataamaise. Owetise. Nehi naasaaraahi nyahi isihiyaani

nahatiyaanami maipihaiwaapi komi jitipati gaahati isisi niyati Autaahaatihomi ndiheti ahiyataise. Ko siyati kaindimandi Autaahaatiho sati jitipiti mmonataati namati ko nyami maipihaiwa nahatewaatihapi wanuni ipoti ipotuni japihi nga nanyamaitando. Nanyamaahonihi nyahi noaipawaati Autaahaatihomi ndiheti titihi gaahiyaanimatitihawo. ¹³Iyataati ami isihya itapipaisuni ami isihyaami anditatuni ami wapa wapauni isipi kiyawaawaahi ainjotihaiwaisahiyaasi isihya usaisawi maasi timaamaitiwi Autaahaatihopi gaapimunditaapo. Nehi yandihi binyaihi kiya itapipa anditatu isihohiyihiyai pirisiho isihyaapi Autaahaatihoai nandapa tihati dipumasiho sawisati kawisataise. Maasapiho memetihirami jitipatuni ami maasapiho kauho sapiho sipisipihomi jitipatuni namoti ami maasapiho kauho sanaati tipi tihauhi tihimi noti sotipati waatipimainjipati neti katisati timandaati waapohoisati ahoyati naumbwaihiraati isaaha nahaapatohaara kiyaamiheti tutipataise. Ko siyati kawihihura kiya Autaahaatihomi ndiheti noaipapi titihi gaahiyaimatawaayopo. Gaahiyaimatiwi nuwi isihiyaisawi maasi Autaahaatihopi gaapundawaayopo. ¹⁴Iyataati Kiraisiho komi jitipati nyapi nuhoaamasipati kiyaami siyohitimandisi apipaahi nusatipihahate. Iyataati Jisaasiho somiheti Autaahaatihomi Itipihohi Gaaho nasisoaari bimisiho neti koai anditiwiwati watipurimati giwunyaasihohi Itipihohi ko Gaahohi watipihandaahi Autaahaatihoai nyapi nunyanataise. Jisaasiho so utaaho apipaahi gaaho Autaahaatihomi ndiheti Autaahaatihoai poundahaiwa maipihaiwa apipaahi turikaarehonjisangi windi kamaayaho utaaho ainahiho nyapimainjihi nyapi napotaise. Napwindihandaahi nyahi nahatiyaanami maipihaiwa nenyamataise nyami maipihaiwa kiyohiwaiwaapi Autaahaatiho yaasihandi apipaahandi nanyinyati yandihenyamaamaitando. Ko Jisaasiho siyati kanyindimandi nyahi Autaahaatihopi otipipati kawisaati kopi maarita koai mepi autaahemwawa maasi koaisaati nasisoaari bimaami nutihaawihandapi kiyataise.

¹⁵Sandi Jisaasiho komi jitipati nyami maipihaiwaapi nuhaamasitihandaahi nyahi noaipawaati Autaahaatihomi ndiheti gaahiyanimatonihohi Autaahaatiho nyangi nyasonata sahi aimi noaipapi nisihyaatimatawaayopo tati nanyamaataise. Autaahaatiho komi isihiyai gaahaiwa kawitandi piwiha timanati katati wani ahaiwaiwa Jisaasiho neti akiwaiwemati kaitandi Autaahaatiho namihanati ahiwisataise. Isi Jisaasiho siyati kaindhandaahi Autaahaatiho isihya usaisi sahi aimi nisihyaatimatitaatiwi nasamihandihyaate undisawihiyaisi Autaahaatiho wapa gaahapa numwitandi katati timanati ahaimbipa nunyonihohi kiya kapa nepi nasisoaari kiyaanihi koaisawi maasi bimitaapo. Iyataati ami Jisaasiho kaindhandihi isihya piwiha jahihohi Autaahaatiho komi isihiyai gaahaiwa kawitandi piwiha wisasati numwisahaatihi bindawaawi

komi ambipa niwimaapi otipipati kawisohiyihyaapimaawi kiyataise. Ami nehi Kiraisihomi jitipatihahi kiyaami maipihaiwa nemwahonihahi Autaahaatihomi ndiheti kiya noaipapi gaahiya saasanotahiyaatisaihi ami Autaahaatiho kiyai sahi titihi gaahiyaatiso unda numwaitaise.

¹⁶ Autaahaatiho isihiyaisi piwaundati numwaahonihahi ami kiya noaipapi komi isihiyaimatitaatiwihandapi piwiha wani asaaha isihiyaisati wisasisiha Autaahaatiho neti akaahemaitandi Kiraisiho napwindindapi sangi nini nesipati kasatitaano. Isihiya usa sangi napopi asiyihiya bindawaahura kiya napwisaihihura kiyaami usa kiyaami manyinyaisangi ami naisihiyaisangi ikipipa ami wapa naitatiwihandapi gwinyaawaayopo. Saiwi gwinyaawaawi kiya sangi napopi nehi asiyihiya bindawa utaaho kiyaamihapa naitandihomi ambipati ambihitiwi sanihaaho nyamapa naitande tiwi katiwi komi ambipati utipihooatihi jitipatipaiwosawaayopo. Aiwi utaaso katati nisapa nisihiya aho ahaati nini napwisanihura naitande tati ambihitiso ami ambihitisaamaati kapa naitande ami ba katisiho napomahonihura. Ami ko namaapoti asoho bimonaahi komapa naitatiwihyaapi ambipati ambihitahi ami utipihooatihi ahiwisawihiya windi kapa keti namaitaapo. owe. ¹⁷ Iyataati ami utaaho komapa ko naponihura usa naitatiwihyaapi ambihitahi piwiha wisasati ahaisiha ko windi namaapoti bimonaahi, isihiya ahiya nisapa nepise tisawihiya windi namaitaapo. Nehi ba katisiho napomahonaahi sura komapa naitatiwi ambipati ahiwisawihiya kapa titihi naitaapo. ¹⁸ Ami kimiri kireti Autaahaatiho komi isihiyaisati ko kiyaisi piwaundati numwaahonihahi ami kiya komihiyaimatisaihi winjatitandi piwiha jiha wisasisiha noaipati akaahaimatitandi wapa kohasipihohi tipi jitipati nuhaawaayopo. Saiwi nepi nuhaahauhi sura piwiha Autaahaatiho komi isihiyaisati wisasisiha noaipati akaahaimatataise. ¹⁹ Sa piwaapi nini neti wonji onihiti katitaano. Jihinihahi Mosesiho isihiya nahatiyaisi winihapipa Autaahaatiho komi isihiyaisi piwiha jiha numwisahaatihi ahotimbipa ninaasaimbaahi neti awitahi kaundataase. Iyati ami kapihi kauho sipipihohaiwaatihi ami memetihiri wiwa neti tiwati tihati Autaahaatihoai nunyataise. Iyati ami kapihi kapaami jitipati neti waapohooatihemati kisihisisataise. Iyati isaaha aninetiha tamitatisati tisatati neti ami sipisipihandami atiha marasiniho amateniho jaapiha neti isaahaisati ahoyati wisasataise. Iyati sandi neti kauho sipisipihandami waapohooaisati nambwailhiripataatihi timandaati boyatesi utipihohi bukihandi Autaahaatihomi winihapipa jipatihandandaatuni ami isihiya nahatiyaisuni kiyaamiheti tutipawisataise. ²⁰ Ko kiyai siyati taati tutipawisataaheti kiya isihiya (Isiraherihiya) nahatiyaisi saundataase.

‘Kimatihahi jitimataahi Autaahaatiho sahi komi isihyaatimatitaatiwi piwiha wisasati nasamisihahi ko neti akaahemataise. Sahi winihapipa baiwi japepihiritaatiwe,’

undataase. ²¹ Siyati kimiri kireti Mosesiho añaani gohihaani Autaahaatiho sawahopi komi otipipatapi anjimatotihandetuni ami katihikaapaaraahi otipipati kaitaatiwi ahiyohipipetuni jitipati tutipati jaataise. ²² Iyataati ami winihapipa Autaahaatiho komi isihiyai piwiha wisasati numwisahaatihi ahotimbipa kahapaamapipa kapaaraahi Autaahaatihomi anjitihi gohihatihi otipipati kaiwi piwaundohipipaapi satise. Ami kapeti jitipati nuhaapi jaasaihaahi Autaahaatiho kapaapi biyati maaritai mmondaise. O ami kapai windi samaisaihaahi Autaahaatiho kaiwaapi gaare tati mmonati windi ko maarimititaise tise. Kauho ami sipisipihandi koai tihwi waamaindumapi nunyohipipaami jitipati kapeti nuhaapi jaasaihaahi kaiwaapi ko maarititaise tise. Iyataati ami wapaamuni ami isihyaami jitipati nepi namuhaawaawaahi ami isihya Autaahaatihomi ndiheti komi piwiha winihapipa nemapi maipihaiwa kiyohiwaiwa Autaahaatiho windi nemwaamati nanipimimatitaise. Nehi isihya wapai tipi kapaami jitipati nuhaapi ami kapa tihwi koai waamaindumapi numwisaihaahihi Autaahaatiho isihyaami maipihaiwa nemwati kaiwaapi apipaahi nanipimatamaitaise.

**Kiraisiho Autaahaatihoai Nunyanati Napwindihandaahi
Autaahaatiho Nyami maipihaiwa Nenyamataise**

²³ Isi ami sandihi nyahi aimi mmonaati ginyunyaatahiyaane. Autaahaatihomi añaani gohihandaatihi kapaaraahi komi otipipati kawitaatiwi ahotimbipa sapa nehi yamihapataatihi akipipa ahotimbipaami siwipate. Iyataati kapaisi Autaahaatiho komi ndihaara mmonati gaare tati ami kapaapi gaahapaare tati maarititandi kauho ami sipisipihandami jitipati kapeti nuhaapi jaawaayopo. Ami kapeti jitipati windi nuhaapi minjaawaawaahi ami Autaahaatiho kapaapi windi gaare tati maarimititaise. Sandi saiwi Autaahaatihomi añaani gohihaani yamihapataatihi Autaahaatiho sawaho bimimbipihami siwipati nehapihi komi ndiheti gaatanihi Autaahaatihouni isihyauni ahoyaniwi piwaatindaatiwihapihi kauho sipisipihandami jitipati nuhaapi nepi timanawaayopo. Siyauhi kapa noaipati Autaahaatihomi ndiheti gaahapaatihi ami Autaahaatiho kapaapi maarititaise. Iyataati ami mihaati yamihapataatihi Autaahaatiho sawaho bimimbipihisi isihya giwunyaapi piwaunditaatiwi naisaihihiyai Autaahaatiho piwaundati numwaati winjatitandihapihi namihainjipihisi jitipati nuhaapi jaapi nepi timanitaatiwihati kauho sipisipihandi memetihiramihatimaahae. Owetise. Nehi kati wite. Kauho sipisipihandami jitipati nusatipihahate. Iyataati sati jitipiti Kiraisihomi jitipate ko sawaho nesi niyati Autaahaatihomi ndimaahomwaanji ahiyati bimimbipihisi ahiyataise ami kapihisi Kiraisiho sawahoetapi isihya Autaahaatihoenda naiwi koai piwaunditaatiwihapihi. ²⁴ Nyahi aimi mmonaati ginyunyaatahiyaane. Kiraisiho napomatati

japihi nepasi naimbipihapi sapihapi nehi isihiyapi kiyaami ikwiraahi
 Autaahaatihomi aŋaani gohihaani yamihapataatihapi Autaahaatihomi
 bimimbipihapi akipihapi nehi siwipati nehahaani animatohipihapi niyati
 nandaataamaise. Owetise. Kohi titihapi yamihapataatihapi Autaahaatihapi
 bimimbipihapi komi ndimaahomwaani ahaimbipihapi niyataise. Iyataati
 isihiyauni ami Autaahaatihouni ahoyaniwi piwaatitaatihapihi ko
 niyati titihemwataise. Iyati ko nyami aunahipati neti nyapi nanipimati
 sapihapi kapihi Autaahaatihomi ndimaahomwaani bitondaati nyangi
 Autaahaatihapi nyatatamanati anditinyaiwitandi koaisi Jisaasiho taati
 piwaundati nunjenati gaapinyundataase. ²⁵Iyataati ami Kiraisihapi sapihapi
 naindindapi windi yahandisi maapi yapimbataapihapi Autaahaatihomi
 aŋaani gohihandaapihapi yatipiyapi mihatihapi Autaahaatihapi sawaho
 biminditihapi pirisihiyapi isihiyaapi nandapa maahoaipati tihapi
 waamaidumapihapi Autaahaatihapi nunyohiyihiyapi mitihapi pirisihapi
 nehi asisiha naasaaraahi kinaungwiha nahateweti nandaataise.
 Nandaataati ami ko kauho sipisipihandi ami maahoaiwa wapa tipihapi
 Autaahaatihapi nunyohipihapi jitipati nesi nandaataise. Ko sawahomihapi
 jitipati nesi satihapi nandaataamaise. Owetise. Ami Kiraisihohihapi siyati
 kiyataamaise. Owe. Yamihapataatihapi Autaahaatihapi sawaho bimimbipihapi
 komi ndimaahomwaani taahiwaiwaara jinjapihapi jinjapihapi niyataamaise
 Autaahaatihapi komihapi jitipati nyami maipihaiwapi nenyamaitandi
 numwitandi. Owe. ²⁶Ami ko Kiraisihapi sandihapi siyataataahi ami
 wuwanihura Autaahaatihapi kahapaamapihapi kiyati ahaisuraapi namasati
 ami wanimuraisangihapi Kiraisihapi konihapi pihitahaiwapi taahiwaiwaara
 komihapi ambipati yaawati naanjihaiwapi neti ami napohihapi nasatoaatihapi.
 Ami ko saimihapi nasatoaatihapi kati wani nyahihapi mmonihapi.
 Kahapaamapihapi nahataapihapi isihiyaapi turimanitandi wani kimurapi
 asisiha ipotaataatimaweti Autaahaatihapi piwihapi wanihapi asahapi komihapi
 isihiyapi gaahaiwapi kawitandi kaundati wisasisihapi neti akaahemasurimurapi
 Kiraisihapi yapipataapihapi nehi naasaara nasataise. Ko siyati nasatihapi nyami
 maipihaiwapi Autaahaatihapi nenyamatihapi ami maipihaiwapi wihooanijandi
 naanijandi namaanyamitandi Autaahaatihapi maaritirihiretihapi kiyatihapi ko
 ipihapi titihapi atawihatetihapi nunyanatihapi nimaatataise. ²⁷Iyataati nyahihapi
 aimihapi mmonaatihapi ginyunyaatahiyaane. Isihiyaanamihetihapi nyahihapi
 napwitihahandihapi ahondaise. Isihapi nyahihapi nehi naasuraahihapi nyapihura
 napwitihahure. Napowaatihapi ami Autaahaatihapi netihapi tipitapaatihapi
 nyasondandihuraapi jatitihawe. Jatisaihi tipitapaatihapi nyasondandihura
 noaipahonihapi kura Autaahaatihapi netihapi tipitapaatihapi nyasondaise. ²⁸Ami
 kimirihapi kiretihapi Kiraisihapi isihiyaanami maipihaiwapi sawaho
 Autaahaatihapi nunyanatihapi Autaahaatihomihapi maaritirihiretihapi
 japepihiratihapi napotihapi isihiyapi taahiyihiyapi maipihaiwapi
 nemwaitaise. Siyatihapi nemwatihapi ami Kiraisihapi japihi maapi
 yapipataapihapi napitaise. Iyataati sandihapi ko jihapi isihiyapi

maipihaiwaapi ipi titihi atawihateti nimaatitandi windi namaapitaise. Owe. Komi isihiya ko napitaiso tiwi windi namopi maaritiwi jatohiyihiyai Autaahaatiho kiyai apipaahi gaahaiwa numwitandi kaundiwaiwa nunyati apipaahi kiyaisinihi numwaitandi napitaise.

**Kiraisiho Isihiya Nahatiyaapi Naasaaraahi
Autaahaatihoai Nunyanataise**

10 ¹Ami Winihapipaahi ipoti gaahaiwa taati napihihaiwaami nehi siwipate, kapa wapa titihi akipipaamaahe. Isi ami Autaahaatihoai isihiya kapa winihapipa katirihireti gaarehandi nandapa maahoai kinaungwiha nahatetweti tipi tihwi nunyohiyihiyaami maipihaiwa nga windi nemaumase. Owetise. Kiya kiyai winihapipa kaundirihireti kaiwi kinaungwiha nahateweti nandapa maahoai naasikapa tipi tihwi Autaahaatihoai gaarehandi nunyohiyihiyaami maipihandi windi nga nemwati ami kiyai neti titihiyemaumase. Winihapipa nehi siwipatindaato. Ami Autaahaatiho kiyai saundati, “nisi ndiheti sahi titihi ainahiyihyaate,” undati windi mausose. ²Iyataati ami nandapa maahoai tihwi Autaahaatihoai dipumanihotihandi nehi naasuraahi kaisaihi kaiwa kiyaami maipihaiwa nemwati titihi gaahiya ainahiyihiyemwahonihi ami kiya kiyaami maarihoatihapi maipihandapi piwiha owehiyaaniso tiwi mmoniwi gwinyaawaawaahi, ami sapihi kuraanihi nandapa maahoai gaarehandi kiyaami maipihaiwaapi tihwi Autaahaatihoai dipumaniwi nunyohitihandi namihaapi namaitauhe. Aiwi kiya kiyaanihi kaiwa kaimi namutauhe. ³Sandi siyati ahotihihandi kandi kiya Autaahaatihoai kinaungwiha nahateweti kiyaami maipihaiwaapi nandapa maahoai tihwi dipumanihi nowaayopo. Kiya saimi niyohitimandaahi kiya sawana mmotiniwi nyahi maipihaiwaisahiyaane tiwi kiyaami maipihandapi gwinyaawaayopo. ⁴Ami sandami tanyaaha kimaape: Kiyaami maipihaiwa kauho sapiho sipipihohomuni memetihiramuni jitipataahi bausa nga windi nemaumasihe.

⁵Ami kimandi kandapi Kiraisiho yapipataapihi napitandi timaninati bitonda Sapiho Autaahaatihoai sata kaundataase:

“Kinyi isihiya kohasipihohomuni maahoai tihwi maipihaiwaapi tipi tihwi gisi dipihimanihotihandapuni ami kauho sipipihohomuni jitipatuni nahinyohitihandapi windi maarimitipihohomuni. Saimbi maarimitipihohomuni ngingi ambipati nehi isihyaamihati nanimisamihi ami kati nini neti gisi japihi gaarehandamataindi nahimitandi nepi nisapi nimanapaise. ⁶Aimbi ami kinyi kohasipihohomuni maahoai tihwi nahatohapa kapaanihi aritaahandaasini tihauhi tihati sosisihaahitimbipaapi kinyi windi maarimitipihohomuni ami isihiya kiyaami maipihaiwaapi nandapa memetihiri, kauho sapiho ami sipisipihandapi gaarehandi tipi tihwi dipihimaniwi

nahinyotihandapi kinyi windi gaare tipi usopi ami windi maarimitipihone. ⁷Ami kinyi sainihi kandapi nini gisi sahitataato. ‘Jase, Autaahaatihone nini kimbibi kimonine! Kinyi maaringipipa kaitandi neti timanindi kimbibi kimonini toho. Nini kahitandi kinyi maaringipipa kireti kahito ami nisapi piwiha wa kinyi piwihaami utipihoaatihi jipatipindisihaatihi ko siyati kaitaise,’ tati katati ahotirihireto.” *Aunihihiri 40:6-8*

⁸Kiraisiho jiji Autaahaatihoai saundataase.

“Kinyi isihiya nandapa maahoipati kohasipihoh nahatohapa kapaanihi nepi tipi tihiwi sosisihaahimapi gisi nahinyohipipaapi kinyi windi maarimitipi kinyi maariho windi wimaahitise. Aimbibi kinyi kiyaami maipihaiwa nepumaitaapi gaarehandi gisi nahinyotihandapi windi maarimitise,”

undataase. Ami saiwa Mosesihoai Autaahaatiho winihapipa saiwa saiwi kaiwise undati ami maipihandapi kaitaatiwi Isiraherihiyai numwimbipa kaundirihireti japepihiriwi kiyauhahandi kandi ami Kiraisiho Autaahaatihoai kaundataase. ⁹Sata katatosati ami Kiraisiho saundataase.

“Jase, Autaahaatihone nini kimbibi kimonine! Kinyi maaritipi gwinyaahingirihiri kireti nini japepihiriti kahitandi kimonine,” undataase. Kiraisiho Autaahaatiho maaritindihandi kopi kawitandi sawaho nunyanati gaarehandi jihandi nemati namati ami ko sawaho noipati gaarehandi asitihandimatati ami jihandami aunahipati netaise. ¹⁰Iyati Autaahaatiho nyahi komi isihiyaanangi sanyatati sahi nisi ndiheti gaahiyaati saasanotahiyaate nyatati titihi komihiyaanimatitihawwi nanyamaitando. Iyataati ami Jisasi Kiraisiho nyami maipihaiwa Autaahaatiho nenyamaitandi ko Autaahaatiho maaritirihireti japepihirati Autaahaatihoai^e nunyanati Kiraisiho ipi titihi atawihateti nimaatati napotaise. Nehi Naasaraahihi jihapuni ami wanapuni ami ipoti ipotihuraapuni ahoyati ipi titihi atawihateti nimaatati napotaise. Aihhi ko nyapi saindhandaahi Autaahaatiho nyami maipihaiwa kaiwaanihi nenyamati sanyatati sahi nisi ndiheti noaipapi gaahiyaati maipihaiwa owehiyaate nyatati nyasonati apipaahi komihiyaanimatitihawwi neti yandihenyamati apipaahi kiyaanangisinihi nanyamaataise.

Kiraisiho Nyami Maipihaiwaapi Autaahaatihoai Nunyainjitihanda Autaahaatiho Nyami Maipihaiwa Nenyamataise

¹¹Pirisihiya nahatiya ami nehi ninaasohi kinaungwiha nahateweti maahoipa kohasipihoh tipi tihohipipihhi kiyaanihi bitotawa asisiha nahata ninaasetihi windi ikimaaniwi kapa gaarehandi maahoipati tipi tihiwi,

^e 10:10 maahoipa wapa tipi sisahaapihi tihoaahauhi kapaanihi tihati sosisihaatipamatiyati.

isihyaami maipihandi apipaahi windi nga nemaumahandi, jinjapihemapi Autaahaatihoi nunyawaayopo. ¹² Ami Kiraisihohi windi kiyaamatiyati kamaise. Kohi nehi naasuraahi gaarehandamatiyati maipihandapi sawaho Autaahaatihoi nunyanataise, ami Autaahaatihohi isihyaami maipihaiwa jihaiwauni wanihaiwauni ami ipoti ipotihaiwauni nga apipaahi kaiwaanihi nemwaitando. Siyatosati komi otipipati aimi owetihohi Autaahaatihohi ikwiri gaatihiraihoanaŋi apipaaho bindataise. ¹³ Suraapi namasati Kiraisihohi jatimi notaise isihya komi tiworisai Autaahaatihohi neti komi uhiraapihemahonihi kiyai ko winjatitandihuraapo. ¹⁴ Iyataati ami Kiraisihohi nehi naasaraahi isihyaanami maipihaiwaapi komi ambipati Autaahaatihohi nunyanati kandaahi isihyai neti apipaahi kiyaanihi titihohi Autaahaatihohi nehi sawahomi isihiyemataise. Iyati ko siyati nehi naasaraahi komi ambipati Autaahaatihohi nunyati Autaahaatihohi maaritirihireti kiyati ipi titihohi atawihateti nimaatindihanda titihohi Autaahaatihohi iyemasawihyai neti apipaahi titihohi isihya gaahiyemataise.

¹⁵ Iyataati ami Autaahaatihohi Itipihohi Gaahoaisangi nyangi kimiri kireti sandihohi akite nyatati kanyatataase. Sandi nyahi aimi mmonihayo, ami Autaahaatihohi piwiha jipatipindisihaitihapi jihohi sandaase.

¹⁶ “Piwiha kima watipihohi waniha ipotihura nisi isihyaisati nini watipindi wisasito. Nini Awaisihonini gisi kimandi kahitataato. Nisi winihapipa piwiha kiyaami maarihooatihohi omanjititihohi neti jipatipaindosati neti kiyai giwunyaaito. Aindi nisi winihapipa piwiha kiyaami amitiheti jipatipaindosati neti giwunyaaito,”

Jeremiyaaho 31:31-33

tati katise tati jipatipindise. ¹⁷ Jihohi satati katatosati ami kasiniha satati katise tati jipatipindise.

“Kiya nisi ndiheti maipihaiwa kiyohiwaiwa nemwati kaiwaapi nini windi giwunyaaito. Aindi ami kiya apipaahi titihimetati maipihaiwa nisi winihapipa nepinimapi kiyohiwaiwaapi nini windi giwunyaaito,”

Jeremiyaaho 31:34

tati katise tati jipatipindise. ¹⁸ Ami Autaahaatihohi sata katati nyami maipihaiwa nahatewa kaiwaanihi nyamataise. Nyamasihohi maipihaiwa komi ndiheti windi ahimotise. Aimi maipihaiwa nyamasihohi owetisi napaapi napindapi nandapa tihaati Autaahaatihohi dipumanitihawe?

Autaahaatihohi Giwunyaapi Komi Utatototi Deti Nuwise

¹⁹ Nisi naisihyaati nisataiwi Kiraisihohi giwunyaahohiyihyaate, Jisaasihohi jitipati nyami maipihaiwa aimi nyamasihohi nehi nanihyaati Autaahaatihohi sawahohihohi bimimbipihohi anjipipihohi komihini deti utatototi naitihaawo. ²⁰ Jisaasihohi nyapi daihira wanihira asitimatitihahandisahira

apotihiri mwipihiraatihira^f nuwati daanyuwataise. Isi nyahi Autaahaathiho anjipipihimimibipihapi kira naitihaawe. Siri apotiri Autaahaathiho nehi sawahohihi bimirihiroti ami nehi pirisiho awaisiho mitihohihi nandaati otipipati kairihiroti nisapusirihire. Iyataati siri apotiri Jisaasiho sawahomi ambipate. ²¹Nyahi nyami Pirisiho apipaahi awaisiho Autaahaathihomi isihiya nahatiyai winjatisiho yahoaisaahiyaane. ²²Isi ami nyahi maariho popitihooaisaati ami nyami kopi giwunyaahohitihanda, ko nyangi nga nyatatamanitaiso taati mmonaati Autaahaathihomihini deti naitihaawo. Nyami maipihaiwa nyami maarihoathi ahotihi nyami maarihomi piwiha sahi maipihiyaate nyatiji mmonaati gwinyaawaati ami Autaahaathihomi ndiheti nyahi maipihiyaane taati mmonihohiwaiwa Jisaasiho komi jitipata aimi baussyamase. Isi ami nyahi Autaahaathihomihini deti naitihaawo ami nyahi maipihandi owehiyaani ainahiyihyaaninisi komi ndiheti maipihandapi piwiha owehiyaane taato. Ami Autaahaathiho waapoho gaaho kipa owehora isihiya wani aimi baussyaniwi noaipapi popitih iyaimatohiyihyaamatiyati nyangi neti baanyusati popitinyamasihipopitihyaanini noaipihaayono. ²³Iyataati ami nyahi siyaati kaitihaawo. Nyahi wuwanihura namasaati Kiraisihopi giwunyaahohipatamatiyaati kireti kiyaaninili giwunyaapi nohoaatitihawo. Iyaati koaisi numasi japihi namutihawo. Iyaati ami Autaahaathiho ipotihura gaahaiwa nanyinyati kanyitandi katihi jatohiwaiwa ko nga kaiwa akiwaiwa kanyisati nanyamitaiso taati andititaati jatimi nutihaawo. Ami sandi nini apaapimaato, nyahi Autaahaathiho nanyamitandi jihi gwinyaati timanati katimbipa kapa titihi ko nyangi nanyamitaiso taati giwunyaawaahiyaaninitihito.

²⁴Nyahi Kiraisihopi giwunyaahohiyihyaani yawanaani wonini waanini ami wo waatapi gwinyaitihaawo. Iyaati wonini waanini ami Kiraisihopi giwunyaahohiyihya nyami naisihya woai waati newaati anditiwiwaati maariho nunyaati ami newa kimikiyaanini andititaati maariho namindihaawo. Iyaati gaahaiwa kawisaati ami kaindihaawo. ²⁵Iyaati ami nyahi Autaahaathihomi isihyaanini windi pohipiyaati nyangi nyangi ninaasonini ninaasaanini nyami anjipipihimimibimimitihaawo. Sandi namawa napaitaati ahoyandihawo. Isihiya usa saiwi taawi wani pohipiyohimatamatiyaati windi nyahi kamaitihaawo. Owetane. Autaahaathihomi isihyaanini napaitaati ahoyanaati newaati yawanaanini andititaati ami nyami naisihya wo waati newaati anditiwiwitihawo. Awaisiho Kiraisihomi Asisihia isihiyai neti tipitapa usondandihia noaipaitandihura aimi deti taati nasataisi masehonjiso taati mmonihaawi sandi nyahi pihitaati nasisoari kaimi nutihaawo.

^f 10:20 Maakihomi utipihio 15:38 handaapihi mmome.

Nyahi Autaahaatihomi Mwaahoai Windi Ahosumwaamaitihaawo

²⁶Nini sangisi sandi apaapimaasato, kimandape. Nyahi Kiraisihopi piwiha akaaha aimi atisaati newaatatihyaanini kiyaanini, ami usinjaawaati yawanaani gwinyaawaati maaritotihanda kiyaanini kiyahaawaahi ami gaarehandi nyami maipihandi nenyamaitatihandi apipaahi owetise. ²⁷Isi ami nyahi siyaati maipihaiwa kiyaaninihi tawaati kaimi nohaawaahi ami nyahi Autaahaatihomi tiworisaanisi apipaahi maipiyaati aungwohandi yaitihaawe. Ami Awaisiho piwiha nyamiheti neti yanyutaati tipitapaati nyasondandihuraapuni ami sisiha windi namaayotati kaanihi awaindihandi aungwohandi noaatati tihatoatisiha Autaahaatiho komi tiworisai neti tihaitandi timanisihaapihi neti nyangi nyihoaitandihuraapi gwinyaahaawo. ²⁸Ami nyahi kimandi biyaati gwinyaitihaawo. Autaahaatiho maaritimbipa winihapipaapi Mosesiho nyami asoyai nunjati kaundataase. Ami kiyामी wowaati Autaahaatihomi winihapipa kapa nemapi ko maaritirihireti namapi maipihaiwa kiyauhi ami isihiya wuri yahurisangi ami murimoaisangi winjapi piwihaapihi nesaiwi ahiwisawi akite tauhi ami maipihaiwa kiyohiyihiyai windi maariho asipimaawiwi nehi siyihiyai tiwawaayopo. ²⁹Autaahaatihomi Mwaahoai newaati mimaipiwitihawo apipaahi maipe. Ami isihiya siyohiyihiyaisaahi yaawihandi apipaahi aungwohandi Autaahaatiho numwitaise, kiya Kiraisihoai mmoniwi nemahohitindapo. Iyati ami Kiraisihomi jitipati Autaahaatiho neti kataahi komi piwiha waniha gaaha isihiyai gaahaiwa kawisati numwitandi katisiha neti akaahemati ami jitipati sati kataahi nyami maipihaiwa nemasihhi ami nyahi noaipati titihi Autaahaatiho sawahomi isihyaanimatohipati nehihatamataiwi mmoniwi nemawaayowi kiyai Autaahaatiho yaawihandi apipaahi awaindihandi numwitaise. Aiwi ami Autaahaatihomi Itipihho Gaaho Autaahaatihomi gaahaiwa neti kanyisati nanyinyati Autaahaatiho nyangi komi maariho awaindihandi nanyamindihandapi neti nanyisati ami anditinyaisihopi maipihaiwa katiwi koai maariho yaawihandi nunyawaayowo. ³⁰Ami Autaahaatiho utaaso satati saisoaisi komi kaimumwaanji kamwaanji yaawihandi apipaahi awaindihandi numwitaise taati nyahi mmonaati gwinyaahaayo. Ami piwiha wa Autaahaatiho sawaho satati katisiha nyahi aimi gwinyaawaahiyaane. Iyataati ko piwiha satisihaapito:

“Nini niwahonini isihiya usa kiyामी ambipati maariho yaawihandi maipihandi kiyohitihandapi numwitandihiyai ami kandihhi numwito. Aindi kiya maipihaiwa kiyohiwaiwaapi wihoaanjhandi kiyai yaawahandi numwito,” *Winihapipa 32:35*

tati katise tati jipatipindise. Iyataati ami waisangi ko satise.

“Nisi isihiyai kawitandihapaapi nini Autaahaatihonini niwahonini gwinyaati tipitapaati usoniti kawito,”
Winihapipa 32:36; Aunihihiri 135:14

tati katise. ³¹Ami siyati Awaisiho Autaahaatiho watipiho kahapaamapipa nahatewa osamati jatisiho maipihaiwa kaiwaiwaapi koai apousonihii yaawihandi numwitandi komi ikwiraahi utaaho woaisi isiwonaahi apipaahi awaindihandi waati yaitaise.

**Nyahi Nyami Kiraisihopi Giwunyaahohitihandi
Anitisaati Isiwatitihawo**

³²Isi sahi jihi wuwanihura sangi namasati nasoaipasipipaapi gwinyaapise. Autaahaatihomi nausainjitihandi sangisaapihi nasoipasihii ami sahi sandi nausainjitindi nehohururaapi baiwi gwinyaapise. Sura isihiya usa sangi pohirisiwi ami nitaniwihaiwa ami sami maariho ambipati naanasisati yaasahaiwa waati pihitiwi nasanyawi kasisauhi newaayopo. Sasisauhi newaahandi kandi sahi andititiwi bitotawa kaiwa yaasati naanjawaiwai tipindiwimawaayopo. ³³Iyataati ami wiweti isihiya Kiraisihopi gimaawunyaapihiya sangi isihiyaami ndiheti otihaati tisapi mimaipisiwi sisipihisatiwi kahitiwi noapisamawaayopo. Aiwi ami sahi wiweti isihiya usa samataiwi yaawihaiwa nepi bimohiyihiyai maariho nepi anditiwipi kiyaisawi kiya nehohiwaiwa ami sangisangi maasi ninawipihii newaayopo. ³⁴Sahi Autaahaatihopi giwunyaahohiyihiyaatami usaatangi isihiya nasamaasi nuwi nasapuhauhi ami usaati kiyaapi maariho asipaiwi nuwi kiyai usoniwi iwatatamanawaayopo. Ami isihiya napiwi samihapa kahapaamapipa sahi isiwahohipipa nesi niyauhi, sahi kiyai nehi nanihaiwi maaritiwi winjahauhi nasewaayopo. Kimandi sahi siyohitimandi ami sahi saiwi gwinyaawaawe. Nyamapa kimba nanyehohipipai nusatipihahapa yahapaisahiyaanisi kapa nyapi nga ahinyotitaiso tiwi mmoniwi gwinyaawaawe.

³⁵Ami sandihi akitisi sahi Kiraisihopi giwunyaahohitihandi windi namaamapi baiwi sahi kiyatinihi kopi giwunyaawaatiwise. Ami andititiwi kopi giwunyaawaawaahi ami apipaahi gaahaiwa nawihetahaiwa sahi Kiraisihopi giwunyaahohiyihiyaatangi wihoaanjihapa Autaahaatiho nasanyonihii ami sahi naitaapo, ami Autaahaatiho nahataapa nasamitandi katimbipa kapaaro. ³⁶Ami sahi sami Kiraisihopi giwunyaahohitihandi nepi anditipi kiyatinihi kopi giwunyaapi nuwise. Ami sahi saiwi, Autaahaatiho maaritirihireti daiwi ko gwinyaati maaritimbipa kaiwi binyaihi, ami Autaahaatiho sangi nasamitandi jihi timanati katimbipa titihi kapa nasamitaise. ³⁷Ami sahi Kiraisihopi baiwi kiyatinihi giwunyaapi nutaatiwe, ami ko napitandihuraapi Autaahaatihomi piwiha wapihi jipatipindisihaatihapi satiso:

“Windi otihiimahe. Napitaano tisiho yaho taati napisi ami ko keti kimi kuraanihi nasati noaipaitaise. ³⁸Isi utaaho ningisati titihitisiho nisapi ginunyaati bimitaise. Ami ko yayati japihi onihitataataahi ami nini kopi windi maarimitito tati katise,” *Abakukiho 2:3-4*

tati jipatiṭindise. ³⁹Iyataati ami nyahihi isihiya usa saiwi Autaahaatihopi yaiwi onihitiwi koai ahosumapi Kiraisihopi kiya giwunyaahohitihandi na mahohiyihiyaamatiyaahiyaaninimahe. Owetise. Nyahihi nehi nyangi usaane. Nyangi usaanini Jisaasihopi giwunyaahohitihandaahi koaisaati asiyaanimataati bimitihaawi Autaahaatiho neti anitisa nyaiwatataise.

Wapaapi Gwinyaahotihandami Tanyaahaapihaare

11 ¹Nyahi wapaapi gwinyaahotihandami tanyaaha siyate: Nyahi wapa naitihaawi gwinyaawaati jatohipipa kapai nyami ndihaara sangi mmonihaahandi kandi yahapa taati nasataisi ami kapa akiti naito taati mmonaati gwinyaahaayo. Iyaati ami kapa akiti ahondaisi ami kapa noaipataise taati mmonihaayo. ²Giwunyaahohitihandi kimikandapi nyahi isihiya jihuraahiyaapi gwinyapenihaayo. Kiya Autaahaatihopi giwunyaahauhi kandapi kiyai Autaahaatiho saundati, “Sahi titihiyaate,” undati kiyai usonataise. ³Nyahi Autaahaatihopi giwunyaahohitihandaahi ko nyangi neti siyati ginunyaataise. Yamihapatuni ami yapipatuni ami kahapaamapipa nahataapauni Autaahaatiho komi watipihandisa nehi piwihaara katihii ami kapa katirihireti noaipati ahondaise. Isi ami kahapaamapipa nyami ndiheti auta ahotihi mmonihohipipaamuni ami kahapaamapipa wapa windi auta ahimotihii nyahi nyami ndihaara monihohipipaamuni mmonati neti Autaahaatiho kiyati ahaihi ahondaise.

Aberiho Inokiho Nowaaho Nga Autaahaatihopi Giwunyaapihiyaare

⁴Iyataati jiji aimehura Aberiho Autaahaatiho piwiha katisiha biyati atiwisati ami Autaahaatihopi giwunyaati nandapa maahoaipati kohasipihohi titihii Autaahaatiho maaritimbipa kapa tihati koai dipumanitandi nesi notaise. Aihii Autaahaatihomii ndiheti Aberihomii gaarehandi saaho Kenihomihapai nusatipihaaati gaahamwaanji noaipataise. Aihii Autaahaatiho Aberihoai saundati, “Kinyi nisi ndiheti titihohje,” undataise. Aihii ami Aberiho aimi napoti owendihihandi kandi ko Autaahaatihoai biyati atiwisati ami giwunyaasitihanda nyangi wanisangi konihii taati piwaanyatataise.

⁵Inokiho so Autaahaatihopi nga giwunyaati ami ko isihiya usaamatiyati windi napotaamaise. Ko Autaahaatihoai neti komi maariho usaawiwati wiwisihi ami Autaahaatiho Inokihoai autaahi ambipatisati ahoyati asohoi numwaasi yamihapataatihapi niyataise. Aihii sandapi komi ambipati usa windi mohopo. Owetise. ⁶Isi ami utaaho itapaati wo waati nehi Autaahaatihopaahiyati nga gimaawunyaataataahi ami so saatapi Autaahaatiho apipaahi windi maarimititaise. Owetitaise. Ami nini sandi katotimandi apaapimaato. Ami wo waati Autaahaatihomihini deti naitandaahi Autaahaatihometirihiretapi akite tati kimauro giwunyaane. Autaahaatiho akitihohi akohosi ami ko yaho bindataise tati

gwinyaane. Iyati ko isihya kopaahaiwi kopi maaritiwi daahohiyihiyai kapa wihoanjihapa nunyahoe tiwi gwinyaapise.

⁷Jihura Autaahaatiho komi ndiheti isihya apipaahi maipihaiwa kiyohiyihiyai nemaitandi gwinyaataise. Iyati Nowaahoai jiji timanati kaundihi ami Nowaaho Autaahaatihopi nga giwunyaahosi komi giwunyaasitihandi kandaahi piwiha koai Autaahaatiho kaundisiha atiwasataise ami kapa Autaahaatiho kaitandi katimbipa Nowaaho komi ndihaara windi monataahando. Siyati Autaahaatihoai atiwasati kopuho apipaahi awaisiho koti komihusasisati windi nepi nopisasiniwi owemetiwi nga bimitaatiwi kiyataise. Iyati ko Nowaaho Autaahaatihopi giwunyaasitihanda isihya maipihaiwa kiyohiyihiyai sahi maipihyaate undati neti nunjataise. Iyati ko komi giwunyaasitihanda noipati utaahe titihondaise isihya nga Autaahaatihopi giwunyaahohiyihyaami otihatihapo.

Abiraahamiho Autaahaatihopi Watipitati Nga Giwunyaahore

⁸Abiraahamiho Autaahaatihopi aimi watipitati giwunyaahosi ami Autaahaatiho koai sata kaundataase. “Kinyi kimbihini kinyi anjipipihini namasi kaanihi wapihapi numwe,” undataase. Saundihi Abiraahamiho Autaahaatihomi piwiha atiwasati komi aunahipati namati dosi wapihapi notaise. Ko siyati dosi wapihapi Autaahaatihomi piwiheti naimbipihini sapihi yapipati witi ipotihura Autaahaatiho koai nunyonihini kati noipati titihini komihatimatitandihataahapi notaise. Iyataati sapihi naimbipihini apipaahi ko windi monahondaahandi kandi giwunyaasitihanda kapihapi nehi notaise. ⁹⁻¹⁰Ko Autaahaatihopi giwunyaasitihanda sapihi noti nehi gohahariho, yapipati wapihi witaahapihomatiyati daayati bindataise. Aihini ami ipotisangi komi mwaaho Isaakihouni ami komi satiho Isaakihomi mwaaho Jekopihouni Abiraahamiho kairihiri kireti kaimi bindamaise. Aimi ami kindarisangi Abiraahamihoai piwiha jiji timanati Autaahaatiho kaundisiha naasika nepihindari bindamaise. Iyataati ami Abiraahamiho anjaani nehi gohaharihaiwa anjimatati nupwisasati kahapihi kahapihemati nonasayati daayati bimindimandi apaapimaahae ami kahi aunahipati awaipati apipaahati anjaani pihititi ahetihati neti bimitandihatapi taati jatataahondaate. Iyataati sati aunahipiti awaipati Autaahaatiho sawaho gwinyaasirihireti setihatititindo tati gwinyaati anjimatipatapo.

¹¹Ami Saraahaatisangi Autaahaatihopi giwunyaataise. Iyati kaati maaha namwitandihura nusatipati nehi yatitipihati bimaami nasati aimi aungwaamaatindaise. Iyataahandi kandi kaati Autaahaatihopi giwunyaasihini ami Autaahaatiho kaati maaha namwitandi watipihandi nunyati neti anditiwiwataise. Aihini ami kaati satati nini maaha namwitandi Autaahaatiho aimi jiji timanati katindihandisi maaha

titihini namwito tati kopi giwunyaasitihandi kandaahi Autaahaatiho kaati watipihandi numwihi neti andititati watipititi gwisitati maaha wohoi namotaise. ¹² Aihi kaatami wariho Abiraahamiho so apipaahi aimi aungwihondaati ko napwitandihandi aimi detindaise. Ko setahondaahandi kandi ami ko noaipati isihiya apipaahi taahitihandami satihoematataise. Aihi utaaho kimiko naasoetapi isihiya apipaahi taahitihandi ambipati owehandi saiwi kaumbwaati isihiya windi nga awimitiwi ami waapihaatami aripati windi nga awimitopatamataiwi windi awimitiwihandi namoyaatiwi noaipawaayopo.

¹³ Iyataati ami kusasi Abiraahamiho ami Isaakiho ami Jekopiho sangi napopi bindawaahura kusasinihi Autaahaatihopi watipitiwi giwunyaapi nuwihusase. Aiwi ami kusasi napowaawisangi giwunyaahohitihandi kandisawi ahoyawi giwunyaapi napowaayopo. Aiwi Autaahaatiho kaundimbipa sangi numwihi sangi mmoniwi nepihyaare. Aiwi kiya kapaapi maaritiwi ami kiyaami maarihomi ndihaara nehi kaanhipi Autaahaatiho kaundimbipai winjapihyaare. Aiwi kiya isihiya kapihi yapipatami satoya maasi bimohiyihiyai windi namitaniwi saundiwi kaundiwihiyaare. “Nyahi nehi gohaharihiyaani samihatihini kimbihini gohi bindihaayo. Nyahi nehi nyangi wapihapihiyaane ami nyangi usaanini yapipataapihi bindihaayo,” undiwi kaundiwihiyaare. ¹⁴ Iyataati ami kimiya katohiyimiya yapipati nuwi bimohimatapi nyamihatimahe gohihata bindihaayo tiwi gwinyaapihiyaare ndi katotimandi apaapimahe, kimandape. Isihiya satiwi katohiyihiya siya yapipati kiyaapihati apipaahati kiyaamihatimatonihi nepi kiyaami aunahipati ami anipipihimatonihi bimitaatiwihati naitaatiwihatapi jatimi nowaahiya katawaatopo. ¹⁵ Ami kiya yapipati aunahipati jihura bimambiwi kapihi namasi nasohipataahapi gwinyaapi katawaawaahi, ami kiya dopi kiyaamapa nepi isisi kiyaami yapipati aunahipataahapi japihi naitauhe. ¹⁶ Ami kiyaahi nehi yapipati witi gaahati nga itatamaniniwi maapi yapipataapihi bimohirihireti nusatipihapi nehi kiyai wamwaaapi sanahiwaiwi bimitaatiwihatapi gwinyaawaataawaawi katawaatopo. Sandihi ami kiya aunahipati gaahati yamihapataatihi naitaatiwihatapi gwinyaawaataawaawe. Iyataati ami sandi kandaahi kiya Autaahaatihopi satiwi nyami Autaahaatihoe tiwi katauhi ami Autaahaatiho kiya satitaatiwi windi mamaawise. Ko kiya komi isihiyaimatitaatiwi kiyaapi maaritataise kiya nisihiyaaso tato. Siyati ko kiyaapi aunahipati awaipati anurimatati neti titihemasihohi.

¹⁷⁻¹⁸ Iyataati ami waara Autaahaatiho Abiraahamihoai ko nehi akitinihi watipititi giwunyaati ami kopaahiyatoatihi wapa kawitandi nunjenataise. Iyati ami Abiraahamiho satati Autaahaatiho ningi nanimitandi kandimbipa titihini kapa nanimitaiso tati konihi giwunyaapi notoatihi ko windi kaitandihandi kandi kaime undati

koai Autaahaatiho nunjenataise. Iyataati Abiraahamiho wapa kaitandi Autaahaatiho nunjesitindi nehi wapaapimunje. Ko komi mwaaho nehi naasohihi Isaakihoai sohoai tiwati tihati dipumanati gaarehandi numwitandi Autaahaatiho nunjenataise. Aihi Abiraahamiho Autaahaatihopi apipaahi akitinihi watipitati giwunyaahosi ami ko Autaahaatihomi piwiha nemaitandihandapi yayati piwiha kaundati nunjesitihandi atisati kiyataise. Iyataati ami so Isaakiho nehi kimiko naasoetapi neti Autaahaatiho Abiraahamihoaisuni ami komi isihiya ipotihura komihetapi namiwiyaatisaihihiyai gaahaiwa kawitandi jihi timanati katisihore. ¹⁹Ami Abiraahamiho Autaahaatihoai atiwisati sandi kaindimandi ami ko siyati gwinyaataate: Autaahaatiho isihiya napohiyihiyai nga japihi ahowimati numwaaahosi ami kimikireti nisi metiho Isaakihoai nini titi tihiti koai numwisanihi ko Isaakihoai japihi nanimitaiso tati gwinyaataati sandi kiyataise. Ami kimiri kireti Abiraahamiho Autaahaatihopi giwunyaasipatamatiyati siwipati noaipataise. Ko komi mwaaho Isaakihoai sohoai tiwitandi timetihii Autaahaatiho ikwiri tipindati sandi kinyi Isaakihoai kamaawime undati nemati niwisapusitimandapi Abiraahamihohi siyati gwinyaataise, nisi metiho Isaakiho aimi soho napomasihoi Autaahaatiho sawaho ahowimati numwaati ningi japihi naninyataise, tati komi maarihoatihii gwinyaataise.

Isaakiho Jekopiho Ami Josepiho Autaahaatihopi Nga Giwunyaapihyaare

²⁰Iyataati ami Isaakiho Autaahaatihopi giwunyaati kopaahiyaahosi ko satati Autaahaatiho metiho Jekopihoai apipaahi gaahaiwa kawitaiso tati komi maarihoatihapi gwinyaataise. Siyati gwinyaataati Isaakiho komi mwaaho Jekopihoai piwiha gaaha ami apipaahi watipiha kaunda saundataase. “Autaahaatiho gi apipaahi gaahaiwa kahisati nahimitaise,” undati neti nunjataise. Iyataati ami kimikireti komi mwaaho Isohoai saundataase. “Autaahaatiho gi wapa kahisati nahimitaise,” undati watipiha kaundataase.⁸ Iyataati kurisuni ami kurami saisatoya ipoti ipotihiyaisuni ipoti wapa nusoaipati kawimatitandihapaapi Autaahaatiho gwinyaati maaritirihireti mmonati jatetinjati Isaakiho mwaahuri ausaati kaundati neti nunjataise.

²¹Iyataati Jekopiho Autaahaatihopi giwunyaati nehi kopaahaimi nunjati aimi apipaahi aungwihotati napwitandi detitihii komi ngirihiri isiwati mwitipisati dairihireti mwindiwitati bindataise. Siyati bindataati komi satohuri Josepihomi mwaahuri Autaahaatiho gaahandi

⁸ 11:20 Suri Jekopihi Isoya awitipihuri sanaati namohure. Jihi Isoho napihii ipoti Jekopihi nasataise.

nunyati kawitandihandapi kaundataise. Iyati aimi aungwihondaati andititandihandi owetihi komi ngirihiraasini mwindiwitati titihi bitondaati Autaahaatihoi neti mepi autaahemwataise.

²²Iyataati ami Josepihoaisangi Autaahaatihopi giwunyaasitihandaahi ko taati napotaaheti Isiraherihya ipotihura Isipihandi namasi nutaatiwihandapi piwiha kandaase. Katati Isiraherihya Isipihandi namasi nowaahura komi ambipati Kenaanihandaahapi nesi nutaatiwihandapi piwiha kiyai kaundati winihundataise.

Mosesiho Autaahaatihopi Nga Giwunyaahore

²³Mosesihomi saniyi sapiya Autaahaatihopi giwunyaasitihandaahi Mosesihoai sanaati aimi namwihi ipoti waati murimopi noasamaise. Kasanyuri Mosesihoai usonama koai apipaahi gaaho ami nehi koai wamwaanjhotihi Isipihandi jatisiho awaisiho kinjho Ipiruhiyaami manyinya sangihya usihya nahatiyai saniya namwisaihi nehi keti kuraanihi siyihiyai tipi owemapise tati winihapipa wapa ahaihandi kandi kapuri kapaapi yamaimi sandi kiyamaise.

²⁴Mosesiho aimi gwinyanati awaisihotati ami ko Autaahaatihopi giwunyaataise. Ko siyati giwunyaasitihanda kopi isihya satiwi Isipihandi jatisiho awaisiho kinj Perohomi maataatami mwaahoe tiwi katitaatiwihandapi ko windi maarimitise. Ko nehi pohipiyataise. ²⁵Ko siyati gwinyaasitimandi apaapimahe. Ami isihya nehi sawanaami ambipati maaritati gaawimainjipipa keti masihonjeti owetitandihapa kiyohirihireti ko kaitandi windi maarimitataate. Ko nehi komi isihya kimikiya Autaahaatihomi isihya yaawihaiwa kiyai Isipihya nunyauhi nepi bimohipatamatiyati koaisangi kireti kiyaisati maasi yaawihaiwa naitandi gwinyaataate. ²⁶Ko siyati Kiraisihoai mawihaiwa nunyohiwaiwa nini naitando tati gwinyaati ami Isipihandami gaahapa anaahipipa nawiho gorihandi siriwaahandi ami wapa gaahapa kapeti isihya kiyaami maariho ahiyawo nahoesaahohipapai daatipatipatamatiyati mmonataise. Iyati ami ko sandi kaindimandi ami koai Autaahaatihoi ipotihura gaahapa wihoanjhapa nunyonihai naitandihapaapi watipitati konihi gwinyaataate. ²⁷Iyati ami Mosesiho watipitati Autaahaatihopi giwunyaasitihanda awaisiho kinj Peroho Mosesihopi apowitandihandapi windi yamaayati Isipihandi namataise. Namati ko apipaahi watipitati Autaahaatihoi isihya usa mausohohihoi ko aimi taati usonataahomatiyati daayataise. Siyati ko daahi sireti watipitati bitoti bindataise. ²⁸Iyataati ami Mosesiho Autaahaatihopi watipitati giwunyaati kimbapiho pasopaahandi namaasataise. Iyati ko giwunyaasitihanda sipisipihoi tiwati ami komi jitipati anihaiwaami matawipihaiweti maasomwaanj jaapise undati Isiraherihiyai kaundihi jaawaayopo, ami Autaahaatihomi enjerihoi yamihapataatihapi otipipatihoi Isipihyaami

manyinya usihiya bwandipihiyai tiwamaitandi natausaasisiho ami jitipati mmonataati Isiraherihyaami manyinya bwandipihiyai windi timaawati nehi nusatipaitando.

Isiraherihya Taahiyihya Autaahaatihopi Nga Giwunyaawaayopo

²⁹Iyataati ami Isiraherihya Autaahaatiho nyangi nyami tiworisaami ikwiraatihapi nga tinjaati nanyamaitaiso tiwi kopi giwunyaapi kandaahi Durihiri Amatenihiri yapipati awasati ikwahipatetamataiwi itipapi nahaitawaayopo. Iyauhi ami kiyaami tiworisa Isipihya ipoti Isiraherihiyai wirainji nuwi Duri Amatenihirami otihapitihimi ami durihiri ikwananaatamiyati wihiwihooangi napopiwati aheterihiri japihi nasati bitatati Isipihya kiyaisinihi neti nanati nawatisamataise.

³⁰Iyataati ami Isiraherihya Autaahaatihopi giwunyaapi kandi giwunyaahotihanda satiwi Autaahaatiho kimati aunahipati awaipati Jerikomandami matambi mwipi biseminji neti ahoyonihimi nawatatesi yapipataapihi timihaitaiso tiwi asisiha nahateweti sepeni kaiwihaara kapa matambipai nepi otaatemapi nesiwesipi ikwauhiri nawaapi nepi timapi kapa matambipaami ipaahaapi mangiraini daiwi bitohauhi ami Jerikohandami matambipa asisiha sepeniheti ahoinati nawatatati timahiya ikisimwinje.

³¹Iyataati ami apopaati waati kaatami ambipati Rehepihaati jihura daihiraapihaatimatati dainjahaati kaati Autaahaatihopi giwunyaasitihanda ami kaati isihya maipihya Autaahaatihopi pohipaiwi ami koai atihomaawisohiyihiyaisati maasi windi namwaapwise. Ami sandi kaati windi namwaapwindimandi ami isihya aunahipa Jerikohandi napitetahate tiwi jawi mmoniwi usitaitaatiwi Josuwaaho natausaasisawihiyai kaatami anjaangi napaisaati numwaati iwitatamasitihandahe.

³²Iyataati ami isihya Autaahaatihopi giwunyaapi nehi kopaahiyohiyihya yahandi apipaahi taahitihande. Isi ami nini natindi nahatiyaapi kasatimi naisanihi ami noti apipaahi utaaritamaitaise. Isi ami nini usa nehi usiyihyaapi nyami asoya asisa ahiye ndi tariwaindi siyaare ndi kasatitaano. Kiyaami ambipati kimiyaare: Gidiyoniho Baraakiho Samisoniho Jepitaaho siyaare. Aihimi ami Daawitihimi Samwerihoe. Aihimi ami isihya usa jihura Autaahaatiho piwiha kaundihi atiwi nepi Autaahaatihopi awusaapi ami isihiyai ausaapi kopi kawundiwi kaundohiyihya piropetihyaare. ³³Iyataati isimiya kimiya nahatiya ambihitohiyimiyauni ami isihya usa ambihimaatohiyihyauni nasisoaari Autaahaatihopi giwunyaapi nehi kopaahaiwihyaare. Saiwi kiya watipitiwi giwunyaapihiyaasi wiwa sawanaami watipihandi andititotihanda windi kamaitaahetahaiwa ami nehi Autaahaatiho neti kiyai anditiwisihimi kiya kaiwa nga

nanihaiwi kiyawaayopo. Aiwi kiyaami usa isihya apipaahi watipihya kinihya yapihaiwa wiwa jatohiyihyaisawuni ami kiyaami tunniwi yahwiniwi pwisipi yaipa kiyohiyihyaisawi tunniwi yahwiniwi ami kiyaahematiwi tipi yahwiwi ipihatiwi owemawaayopo. Aiwi isihya ami yapipati wiwaraahiya Autaahaatihoai maatimaatiwisohiyihyai kiyaami maatimaatirapi titihi gaahati kaiwi ami wihooanhandi yaawihandi nunyawu ami Autaahaatiho kiyai wapa numwitandi jihi piwiha katimbipa kapa titihi kiya newaayopo. Aiwi ami kiyaami usa suhiri awairihiri ainjihirihiri timwipihirami maahomwaanji nepi niwisapuhauhi ami kiri kiyai windi ikoti namainje.^h 34 Ami kiyaami usa Autaahaatihopi giwunyaahotihanda sisiha awaiwaiwa tihwitihiri naitipurisati tihihihaiwai nepi nisapuhauhi ami kiyai windi tihamaamase. Aiwi ami kiyaami usa namatanaati bainatihira isihya windi timaawopo ami kiya nawisawitiwi yanihimihauho. Ami kiyaami usa aimi napainditima kaasarihatimaimatiwawihya kiya ami jahaati noaipapi watipihya imatawaaayopo. Aiwi ami kiyaami usa tunawaahura kiya noaipapi apipaahi watipihya timwipihya imatawaaayopo. Aiwi tiworisaisawi tunniwi yahwinohiyihya taahiyihya yapipati witaahapihya kiyai tiwitaatiwi nasohiyihyai tahamanauhi yanimawaayopo. 35 Asihya usa kiyaamihiya aimi napomihauhiyai Autaahaatiho ahowimasihhi kiya japihi nepapi asiyaimatauhi ami kiyai asihya japihi numwawaayopo. Ami usaisi kiyaami tiworisa napupwi kiyaami ambipati tipi nopisasiwi apipaahi waati yaawihaiwa nunyauhi kiya napwitihati kati namwaaayopo. Aiwi kiya Autaahaatihopi giwunyaahohitihandi windi namaamahopo. Ami kiya napopi mihaati yamihapataatihi naiwi Autaahaatihoaisawi nga baiwi kiyaanihi bimitaatiwi maaritiwi gwinyaawaawo. 36 Ami usai kiyaami tiworisa sisipundiwi mimaipiwiiwi maahoaipuripwi mawihaiwa nunyawu nepi yupawaayopo. Ami usaisi akitinihi nepi daahi apipaahi mimaipiwiiwi wirihiri watipihiri senihanda nepi wisasawi wirapi nimaapi ami nepi isihya naputohipipihhi napuwawaayopo. 37 Ami usaisi nawihaara tipi tipi niyauhi napopi ami usai otihapihapi sohanda namandipapi tipi ami usai namatanaati bainatihira timawaayopo. Ami usa nehahaati yapipata nuwi napiwaiwi sipisipihandi ami memetihirami atitati nupwi ahoapi gwiniwi niyopi namaasatawaaayopo. Aiwi ami usa gaahapa apotihiri yutihiri niyopi namaasatitaatiwhapa owetati ami nandaatiwhapa nausetitahya daiwi bindawaayopo. Iyauhi kiyai kiyaami tiworisa manditipiwiiwi mimaipiwiiwi ami kiyaanihi tipi mupwi yaawihaiwa nunyami niyauhi kiya naanjihaiwa kihaiwa kihaiwa waati newaayopo. 38 Isihya yapipatambihya apipaahi daahi maipitiwimawaawu ami

^h 11:33 Siri suhiri ainjihirihiri Raiyonihandapito.

kiya windi nga isihiya Autaahaatihopi giwunyaahohiyihiyai nehi winjasaihi kiyaamihatihimi bimitaatiwihandi owendaise. Sandi setihi usa nehahaati ipati iriwirihomi ami aŋaŋi owehapihimi nuwi napiwaiwi kihapihimi kihapihimapi ami sisiho sihoarihireti daiwi bindawaayopo. Kiya anjipihimi aŋaŋi owehiya kihapihimi kihapihimapi daiwi nawipati yamwaasihaara ami akosiha waapaipata nanopi bindawaayopo.

³⁹Iyataati isimiya nahatiya nini piwiha katimi nasohiyimiya Autaahaatihopi watipitiwi giwunyaapihiyaare. Iyauhi ami Autaahaatiho kiyai saundati, “Sahi nisapi ginunyaahohitihandi nisi ndiheti apipaahi gaatati titihindaise,” undahiyaare. Iyataahandi kandi ami Autaahaatiho kiyai wapa nunyati kawitandi jihi piwiha timanati katimbipa windi namumwise. ⁴⁰Ami sandi apaapimahe, ko aimi jihi mmonati neti apipaahi gaahapa nyapi nyamanati nyaiwatataate. Iyataati kiyauni ami nyahuni maasitisaihihuraahihi ko kapa gaahapa kanyisonihi, kiyauni ami nyahuni noaipawaati apipaahi titihi gaatati ami ko nyangi neti gaanyamati gaahiyaanenyamaitando.

Nyahi Nyami Ndiha Jisaasihomiheti Ahiyaati Kopi Giwunyaitihaawo

12 ¹Isi ami nini kimaiwa nahatewa isimiya kimiya taahiyimiyaapi katohiyimiya nyangi nepi tiwipati awaipati mwipihatamataiwi nanyapopihimi nyangi nepi nanyesiwesiwimawaayopo. Isi ami nyahi kahapaamapipa nahataapa ami Autaahaatiho wapa ipipaatihamatiyaati naupwanaati tusatipatitahaawi nanyamihainjipipaatihapi neti nanyisapuwati naŋanyisati neti nyapatimbipa namaitihaawo. Ami maipihandi nyamiheti nanyamihatati wirati nyaiwatati daahi nyapatisati nyaiwatimbipai namaitihaawo. Iyaati nyahi andititaati watipitaati bitotitahaawi metaahi nihitaati naupwanaati tusatipananaati Autaahaatiho nyahi wapa kaititahaawi nanyamimbipa kaititahaawo. ²Siyaati taawa naupwanihaawi nyahi bapiyaati nyami ndiha Jisaasihomiheti mwitipisaati ahiyaati nasisoari nehi kopaahihi giwunyaitihaawo. Ami Autaahaatiho nehi Jisaasiho naasohi sawahoaisaahihi namihanati ahiwihihosi Autaahaatihopi giwunyaitihaahireti ko namasati nyami jihoematati giwunyaasirihireti kimirete tati neti nyangi nanyisitando. Iyataati ami Jisaasiho sawaho nyahi kopi giwunyaahohitihandi neti anditinyaiwati watipinyamati ami gaanyamasihoe. Iyataati Jisaasiho ipoti yamihapataatimi ko apipaahi maarititandihandi Autaahaatiho koai numwitandi neti ahiwindihandi jati mmonataati namati koai isihiya ipi titihi atawihateti nerihira tipimandaapi sohoai tiwawaawi mawihandi numwitaatiwihandapi ko windi yamaayati neti awitimataise. Iyataati ami ko saindihandaahi wani yamihapataatimi ambipati awaipati neti Autaahaatihoaisati maasi ikwiri gaatihiraihoanji kahapaamapipa nahataapaisuni ami isihiya nahatiaisuni gaamati jatataise.

**Autaahaatiho Nyangi Titihenyamaitandi Nyami
Ambipati Maariho Yaasihapa Nanyinyataise**

³Sahi Jisaasihopi gwinyaapise. Ami isihiya apowih i Jisaasihoi apipaahi yaawihaiwa nunyaw i ami apipaahi maipihaiwa kawisauhihandi kandi ko kaiwaapi windi yayati namaamati nehi konihi bitondaise. Isi ami sahi pohipimaiwi sahi naupwanotihandi windi namaamihaapise.

⁴Ami sahi maipihandi tipinditaatiwi yahoyapaatotihanda sami usaatangi tisapi sami jitipati windi nepi namaasuhaahopo. ⁵Iyataati ami wapa sahi nanipimatiwi kapaapi wonji gimunyaahohipipaapi gwinyaitaatiwi japihi kasatitandiy o. Satati sahi nisi manyinyaate satati anditisaiwati Autaahaatiho katisiha sahi windi gwimunyaahopo. Titiho? Piiwiha saapito:

“Nisi metihonjanye, gi Awaisiho titihemaitandi wapa kinyi maariho ambipati yaasihapa nahinyonaahi kinyi kapaapi nehihande tipi windi gimunyaape.

Aimbi ko titihemahonihi kandapi yaimb i namaamape ami kinyi andititipi titihi gaahireti kaimb i daimbi bitoaitaapihandapiso.

⁶ Awaisiho isihiya ko maariho numwisawihiyai napepaapi timahiyauhura titihemwahore.

Iyati ami isihiya nahatiya komi metihonjamatiyati numwaasawihiyai wapa yaawihapa nunyahore,” *Ga Bimisiho 3:11-12; Jobiho 5:17*
tati katisihaapito.

⁷Ami sikaiwetapi Autaahaatiho sangi titihesamaitandi ami yaasihaiwa sahi windi maarimitiwihaiwa usinjaati sangi ko nasanyataisi nepise ami mambihya sapiya kiyaami manyinyai kawisohirihireti kasisataiso. Autaahaatiho sahi akitinihi komi manyinyaatitih i saiwa sangi kasisataise. Ami manyinya nahatiyaisaahi kiyaami sapiya titihepumwawaayopo. ⁸Ami Autaahaatihohi komi manyinya nahatiyai titihemwahore. Isi ami ko sangi windi titihemaasamahonaahi, ami sahi Akitinihi Autaahaatihomi manyinyaatimaah e. Owetise. ⁹Ami sahi kimandapi gwinyaapise. Nyami apiya yapipatambihya nyahi sangihyaanitonihura wapa kanyiwi titihepinyamihauhi ami nyahi kiyai biyaati usonaati newaati autaahi iwiwatihaaayo. Isi ami nyami itipihomi Sapiho yamihapataatihapih o nyangi kiyati ahinyisati ami maaritihaaawih o itipih o ditihiri nanyamisiho nyangi wiwa yaasihaiwa nanyinyati titihenyamahonaahi ami gaaso taati nyahi naitihaawo.

Iyaati koai biyaati usonaati autaahi newa isiwatitihaaawo ami nyahi koaisaati maasi jinjapihi bimitihaahandapi saiwa ko kanyisataiso.

¹⁰Nyami apiya yapipatambihya nehi masihonjapi kiya nyapi satiwi sireti sandi nyami manyinyaapi gaaso tiwi mmoniwi maaritohirihireti titihepinyamawaayopo. Ami Autaahaatihohi nyangi nyatatamanitandi

yaasihandi nanyinyati titihenyamataise, ami nyahi ko sawahomatiyaati noaipawaati ami isihiyai kometirihiretapi newa nunjitihaawo. ¹¹ Ami ko nyangi yaasihandi nanyinyati taateti titihenyamasururaahi ami nyahi kandapi windi maarimito, ami nehi nyangi yaasihi nehotihaayo. Ami ipoti nyahi kandetapi mmonaati newaatosaahura nyami maariho napaisaatindaise, ami nyahi namasaati titihireti daaya bindihaawo.

Nyahi Andititaati Watipitaati Bitoaitihaawo

¹² Isi ami saiwa kaiwaapi sahi sami ikwiri tisamahiyati wirandirihiri nepi titihipise. Aiwi ami sami atotipati auhiri tisamahiyati itisaitirihiri nepi titihipise. ¹³ Aiwi daihira titihemapise ami sahi daihira titihi itipapi daimi nutaatiwo. Sahi saisaihi isihiya usa kiyaaami atotipati ikwauhiri turimihaisawihya ami titihitiwi gaawimatitando. Sahi saiwi isihiya kiyaaami Kiraisihopi giwunyaahohitihandi noaipati sangi watipitisawihyai nunjawi nepi anditiwipise.

¹⁴ Sahi nahatiyaati isihiya usaisawi sami maariho ami omaanjititihai yatihai napaisaatitonihai bimaawise. Aiwi sikaiwi bimitaatiwihireti baiwi dipiwaatiwi mmoniwi nepi ami sahi nehi Autaahaatihohi sawahomihiyaatitihai ami nehi kopaahaitaatiwi neti yandihisihiyaatitihai komihati nepi kireti daiwi bitopi maipihandi samiheti apipaahi owehiyaati titihiyaati bimaawise. Ami isihiya windi Autaahaatihometirihireti daiwi bimitohohiyihya Awaisihoai kiyahi windi mausondaapo. ¹⁵ Ami sahi baiwi jatinuwihyaati bitosawise ami wiwa Autaahaatihohi sahi wapa gaahapa kamaiwi nehihandi gaahandi kasisati komi maariho asipisisati japihi nasamaasitihandi namapi ami japihi nasamaasihohai wiwa sahi namaitaawo. Aiwi ami sahi wiwa ipati yandipihohi maipihohi ikonati nuritimanaho nikosipataamataiwi sahi usaati maipihaiwa kiyawaawi kaiwara Kiraisihohi isihiyai nepi turimaamaniwi ami kiyaaami daiwi bimotohandi nepi nusopisasitaawo. Utaaho ami itapaati saiwihiya isihiya nga bimohiyihiyai nepi numaamaniwi nusopisasitaapo. ¹⁶ Ami sahi baiwi jatiwihyaato ami wiwa sami usaati (namaatiwihyaati ami namaamatiwihya) usihya ami asihya sami siwoya ami siwaasisaametahiyaisawi ambipati timaamaipi ainjotahaiwa kaitaawo. Aiwi ami sahi Isohomataiwi kiyawaawi Autaahaatihohi gaahandi sahi windi namaitaawo, ami nehi nandapaapi jaumwasihohi komi gwisihaapaahi gwinyaati ko Isohohai sapihohi mwaaho bwandipihohi Autaahaatihohi gaahandi nahandi numwitandihandi Jekopihohai nandapaapi nehi naasaara ami nandapa nehi naasuraapihapaapi nunyataati kandi kandinihi namasipataamataiwo. Ami sahi siyawaawaahi Autaahaatihohi gaahandi windi namaitaapo. ¹⁷ Sahi mmoniwihiyaate. Siyati aimi nunyatosati ipoti noti sapihohai gaahandi nanyinye undihihandi kandi sapihohi koi owe undiho. Ko

sapihomi gaahandi naitandi apipaahi maaritati anditati napamataahandi kandi ami ko jihi kaindihandi windi nga nemaamase ami ko goti maipiyataahandi kando.

**Nyahi Jerusaremihandi Yamihapataatihi
Ahetindihanda Aimi Noaipihaayo**

¹⁸Sahi sisiho wo Sainaihomatiyaho, nga mmoniwi ami isiwito, kooasini sisiha tihati ami apipaahi maipiyati asihatati, wipati wipiwati itinambitinati asoatati ami kinapaahoinihoasini napiwi noaipawaamaayopo. ¹⁹Saiwi sahi otipihohi kapaparihiri gaatinjihohi Isiraherihiya atiwi ami piwiha nehi kai wa kiyai piwaundihi atisawaawi ami ka nyahi windi onihohi otihohi ka atihomitaano tohipipihohi sahi napiwi noaipawaamaayopo. Owetise. ²⁰Ami kiya piwiha nehi kai wa watipitati kaundisiha windi nga minjapepahiritaahetiha kaundiho. Iyati ami piwiha ka apipaahi watipihohi satati:

“Utaatihandisangi ami suhimaasapiho wapaisangi kimbihohi
sisihomihini deti napimbipa kapaisinihi nawihaara yahwi
timapise,” *Japihi Numaasiho 19:16-25*

undati apipaahi mitaahi kaundiho. ²¹Ami Isiraherihiya saiwi apipaahi maipaiwi itipi yayauhi ami Mosesihoaisangi sandaase:

“Nini apipaahi aungwohandi yapipaisati ititi maipaindi yayataayo,”
ndaase.

²²Ami sahihi siyahapihi naiwi noaipawaamaayopo. Owetise. Sahi naiwi noaipahohipimbihohi nehi kapihi wapihi wipetahapihe. Sapihi Autaahaatihohi sisiho Saiyonihooasini (Jaiyanihooasini), sahi windi namusaniwi ami miwitoasini aimi naiwi noaipawaayopo. Aiwi ami Autaahaatiho jinjapihi bimisihohi aunahipati awaipati taunihanda sahi naiwi noaipawaayopo. Sati aunahipi awaipiti taunihandi Jerusaremihandi, enjerihiyahohi apipaahi asakiyati maaritati ahoyanati tisisoanati taahitihandami aunahipati yamihapataatihi ahetiata sahi aimi naiwi noaipapi nandaawaayopo.ⁱ ²³Iyataati ami isihiyahohi Autaahaatihohi manyinya jihohi bwandipihiyahamataiwi noaipapi ahoyanihohiyihiyahamihatihi ami yamihapataatihi kiyaami ambipati Autaahaatihoaisawi maasi bimitaatiwihiyahamihatihi namihapi jipatipiwisohiyihiyahohi ahoyanohipipihohi kiyaami otihahati sahi naiwi noaipawaayopo. Aiwi ami Autaahaatiho isihiyahohi nahatiyaami otipipati kiyohiwaiwa taati tipitapaati usosihoapihi komihini sahi aimi naiwi noaipawaayopo. Aiwi ami isihiyahohi jihiyahohi Autaahaatihohi giwunyaapi bimambiwi napwauhi ami Autaahaatiho kiyaami maarihoai neti

ⁱ **12:22** Sandi sahi Kiraisihohi giwunyaahotihanda sami maariho omanjitihohi nasoaipati ami kasimatataise. Isi ami sandihohi ipotihura nga auta noaipahonihohi mmondo.

apipaahi titihi gaahiyemati numwaasiihii aimi naiwi yamihapataatihii bimohiyihiiyaapihii sahi naiwi noaipawaayopo. ²⁴Iyataati ami sahi aimi naiwi Jisaasiihoapihii noaipawaayopo. Jisaasiiho so otihapihapiihoematati bitondaati Autaahaatihouni ami isihiyauni naisihiyaimatitaatiwi Autaahaatiihoaisati piwiha waniha ko neti wisasisihore. Iyataati kimiko Jisaasimo komi jitipati nyapi nuhaasipati Autaahaatihomi ndiheti ami komi ndimaahomwaaŋimasipipihii nesiyati ahaihi ahondaise. Aihii ko nyangi neti komi ndiheti apipaahi gaahiyaanini saasantohiyaanenyamataise. Iyataati ami sandi apipaahi kandi winde. Kimandi Aberihomi jitipatisati windi namoaipase Keniiho komi saingiiho Aberihoai tiwisuro. Owetise.

**Nyahi Biyaati Jatinaati Bitoaitihaawo Ami Wiwa
Autaahaatihomi Piwiha Newaumwaanipano**

²⁵Isi ami sahi baiwi gwinyaaapi jatiwi bitosawise, ami wanimura Autaahaatiiho komi piwiha waniha Jisaasiihoetapi wisasati nasamihii kaatihii bimohurimura komi piwiha taati sangi kasatisiha sahi sami atihiri mwitipisawi baiwi atitaatiwo. Sandi nini sangi sasatiti komi piwiha mwitipisawi atiwi komi asimwaatitihii pinuwise satotimandi apaapimaasato. Jihura maapi yapimbataapihii Sisiho Sainaihomihini Isiraherihiiya jihiyai Autaahaatiiho piwiha kaundati ami nunyataise. Siyati kiyai komi piwiha kaundati numwiihandi kandi kiya kiyaami atihiri mwitipisawi ahiiyawi windi atihomaawiiwi nepumwawaayopo. Saiwi isihiiya jihiiya komi piwiha nepumahohiyihiiyai Autaahaatiiho nehi windi maawinjase. Owetise. Kiyai yaawiihandi numwise. Isi ami sahi komi piwiha waniha Jisaasiihoetapi nasamisiihaatihii bimohiyihiiyaatangi wani yamihapataatihapi taati kasatisiha baiwi atihomaawiiwi nepumwawaawaahi ami sangisangi Autaahaatiiho nehi windi nesosati maasinjaitaise. ²⁶Iyataati sura Isiraherihiiya Sisiho Sainaihoaini bitohauhi Autaahaatiiho kiyai winihapipa nunyati piwaundisura komi piwiha yapipatisuni iwiwiriho kahapaamapipa kapihi sisiihoasini ahetimbipai neti pimbapoyati ahoaihi ami kapa noti nasayati ahoainje nehi komi piwihaaraaho. Jihura saimatatatihandi ami wani kimura nyahi Autaahaatiiho piwiha waniha watipitati wisasati nanyamisiihaami otitihii bimohurimura komi piwiha wapihi jipatiipindisiihaatihapi Autaahaatiiho jihii timanati piwiha wa satati katise.

“Ipotihura jihaati nini yapipatisuni ami yamihapatisuni neti
ipipatiipati ipipatiipinjipatamataindi apipaahi aungwohandi
pimbapwaindi ahoaito,”

Akaiho 2:6

tati piwiha wapihi utipiihoatihii jipatiipindisiihaatihapi Autaahaatiiho katise. ²⁷Iyataati ami Autaahaatiiho piwiha satati, jihaati nini yapipatuni yamihapatuni apipaahi waati aungwohandi neti ahoaindi ipipatiipaito

tindimandi nyangi siyati neti nanyisataise. Autaahaatiho ipotihura kahapaamapipa nahataapa sawaho kiyati ahaimbipa neti apipaahi waati aungwohandi ahoyati pimbapoyati ipipatipaitaise. Ko siyati neti ahoyati ipipatipiyoni ami kahapaamapipa wapa kapaanihi ahoainati daahi nopisasinihonihi ami wapa daahi ahominati kapaanihi watipitati ahotitandihapaahihi kiyati ahotitando.

²⁸Iyaatai ami saiwa nahatewa nini sangi kasatohimaiwa akite. Saiwa siyati akitinihi noaipasihi nyahi siyaati mmonihaayo: Autaahaatiho neti komi isihiya koaisawi maasi yamihapataatihi kahapaamapipa nahataapa jatitaatiwihyaamihatihimi aimi neti kiyaisati maasi ahinyisataise. Ahinyisataisi sandi ko nyangi siyati ahinyimbipihapi nyangi utaaho wo nga neti windi nanyisapuwati ahomaanyitaise, kapa nyangi nanyoapaiti kanyimatitandihandapo. Isi nyahi maaritaati ami Autaahaatihomi otipipati titihireti kawisihaayo. Iyaati nyahi biyaati usonaati ami wapa komi nyapi maarimititandihapa apipaahi windi kamaitihaawo. ²⁹Ami nyahi ko nyapi wapa maarimitihapa kamaitihaawo tohitimandi apaapimaato. Ami Autaahaatiho sisiha watipihika ka tihimi nairihiretihapa neti tihati owemasipatamatyahotihito.

**Kiraisihopi Giwunyaahohiyihyaati Ususaati
Wihiwihoaani Maariho Naminiwise**

13 ¹Sahi Kiraisihopi giwunyaahohiyihyaati sami naisihiaisawi ususaati wihiwihoaani maariho naminiwise. ²Saiwi ami isihiya usa sahi windi mausowihiya wapihapihiya samihatihimi daiwi jasoniwi nasahosisaihihiyai maariho gaahoaisawi kiyai gerundiwi numwaapi tihimi gwaasiwiwi yainjaraawiwise. Nini sangi sandi apaapimaasato, ami jihimi aimehura nyami isihiya usa Autaahaatihomi enjerihiyai keti piwaundiwi numwaawaayopo. Ami kiya kiyaapi Autaahaatihomi enjerihiya otipipatihyaare tiwi moniwi gimaawunyainjihandi kiyai numwaapi tihimi gwaasiwisopo. ³Iyaatai sahi Kiraisihopi giwunyaahohiyihyaatami naisihiya usai isihiya nesisuwi napwitohipihimi napusaihi napwitiwi bimohiyihyaapi sahi sawanaatangisangi kiyaisawi maasi napwitawaahiyaatamataiwi giwunyaapise. Aiwi ami isihiya Kiraisihopi gimaawunyaahohiyihya sami naisihiya usai naana yaawihaiwa nunyawinepi mimaiipiwisaihi nopisasiniwi bimohiyihyaapi giwunyaapise ami sahi yapipataapihi bindawaayowiki sikaiwa sangisangi nasoapaitaiso.

⁴Sahi namaatinotihandi sandi apipaahi gaahandisi ami sahi aimi namaatinohiyihyaati sami namaatinotihandi baiwi titihimi gaahireti jatiwise. Aiwi Autaahaatihomi ndiheti sami namaatinotihandi titihimi popitihandi isiwatiwi isihiya kihiya kihiyaisawi sami ambipati namaatinotihandami ipaahaapi timaamaaipise. Ami isihiya sandi saiwi kiyaami ambipati isihiya usa komi apwaataatimetihatisati ami

kaatami warihometahoaisati kiyati ambipati timaamaitohiyihiyai ami Autaahaatihohi kiyai nehi windi maawinjaitaise. Ko kiyai tipitapaati usondaise. ⁵Sahi apipaahi nawihopaahisaisati koai maariho nunyawimaamapise. Ami sahi aimi wapaisahiyaatitawaawaahi ami kapaapi sahi satiwi kimba nyapi gaahamwaanji nehaayoni gaare tiwi gwinyaapi maaritiwise. Awaisiho satati, nini sangi apipaahi akitinihi windi namaasamaito, tati katise. ⁶Isi ami nyahi komi piwiha sa newaati keti nausana bitotihaawi satitihaawo:

“Awaisiho ningi ninjatati nitatamanataise.

Isi nini isihiya usa ningi wapa kanitaatiwihapaapi napindapi yaitande?”

Aunihihiri 118:6

taati ninaasonini ninaasaanini katitihaawo.

Nyahi Kiraisihoai Nuwipinjitihaahandapi Nyangi Windi Mamaanyane

⁷Sahi sami awaisawihiya Kiraisihomi isihyaatami jihiyaimatiwi bindawa jihura Autaahaatihomi piwiha ausaapi katiwisasohiyihyaapi gwinyaapise. Kiya daiwi bitopi bimambiwi Kiraisihopi giwunyaahohitihandisawi napohitihandapi gwinyaapi ami sahi kiyamatawi kiya kiyohirihiri kireti japepihiriwise. ⁸Sahi kiya Kiraisihopi giwunyaahohipatamatawi watipitiwi ko nyangi nga nyatatamanitaise tiwi giwunyaapise. Ami Jisasi Kiraisihohi aimi jihuni wanimurauni ipoti ipotihurauni windi owemetati kimikiyati konihi bimitaise.

⁹Iyataati ami piwiha kaha kaha Autaahaatihomi piwihaamatimetaha nehi kai wa wipetaha isihiya sangi kasatiwi katiwisasotiha sahi atiwi namepise. Autaahaatihomi maariho gaaho samiheti nasati ahotisihora sami maariho omanjititih nepi anditititaatiwi gaare ami sahi nandapaamihiretapi winihapipa japepihirotihandih owe. Nandapaapi piwiha winihapipa siyahapa isihiya kapa japepihirohiihiyai windi maawitatamanitaise. ¹⁰Ami nyahih aritaahandisahiyaane, kapihi pirisihiya Judaahiyaami (Autaahaatihomi) añaani awaindihandaatihi otipipati kiyohiyihiyaisangi gaarehandi aritaahandaasini ahiyohipipa windi ninawipih namepihapiho. ¹¹Pirisiho jih awaisiho mitiho (jihura Autaahaatihomi piwiha jihaatihi bimohura) kauhoaisangi ami sipisipihaoisangi tipi, isihyaami maipihandapi kapaami jitipati gaarehandi nesi niyati añaani Autaahaatiho komi ndimaahomwaanji ahiyati bimirihiroti mihatih ahiyataise. Ami kati jitipati Autaahaatiho mmonataati isihyaami maipihaiwa nemwaitando. Ami akohohi aunahipati sitihandi Jerusaremihandami ipaahaapi nehahaati matambipa ami naaporihirisuni ami onepatisuni nusatapapi nawisawi kaanihi sisiha tihoaapi tihoamihauhi konihi tihati sosisihaatati owendaise. ¹²Aihi ami Jisaasihoaisangi kimikireti aunahipa awaipati sitihandi

Jerusaremihandami ipaahaapi nehihaati nawisati koai isihiya yaawihandi nunyawipi titihi atawihateti nerihira tipimandaapi tiwauhi napotaise. Ami komi jitipati isihiyai neti Autaahaatihomi ndiheti akitinihi popitihiyemati ami titihi nehi Autaahaatihomihiyemaitando. ¹³Isi ami nyahi aunahipatami ipaahaapi nehihaati Jisaasihoenda nutihaawo ami koai mimaipiwisauhahandi kandi ko anditititi bitosipatamatiyaato, ami komatiyaati nyahi andititaati bitoaitihaawo.

¹⁴Ami kimaapi yapimbataapihi aunahipati awaipati sitihandi apipaahati nyahi newa kiyaaninihi bimitihaahati owehiyaanine. Ami nyahihi aunahipati awaipati sitihandi apipaahati ipotihura naitihaahatapi jawa daahaahiyaanine. ¹⁵Nyahi Autaahaatihoai nyami gaarehandi nunyohitihandi Jisaasihomi ambipata koai kiyaaninihi mepi autaaahewaumwapi nutihaawe. Iyataati ami sandi gaaresindi nyami mipati maahomwaanji nusaawaati koai kinyi Awaisihone undohitihando. ¹⁶Ami sahi isihiya usai iwitatamaniwi ami samihapa nandapa ikipipa tipitapaapi kiyai numwitaatiwihandapi windi nanipimimatiwise. Ami sandi saiwi sahi kiyohitindi ami Autaahaatihoai komi maariho apipaahi maarititi nga wiwitihapa gaarehandi waamainjotihapa sami maariho omanjititihapi sahi nunyotihandamatiyahande.

Piwiha Ipotiha Winihapipa Ami Anditiwiwihaare

¹⁷Iyataati nini sangi piwiha kima wa kasatitandiyo. Isi ami sahi baiwi atiwise. Sangisi Autaahaatihomi piwiha kasatiwi jainjatohiyihiya sami awaisawihiya, Autaahaatihomi otipipatihya kasatisaihihaiwa sahi baiwi atiwi ami kiyaami asimwaatitihipi pinuwise. Ami kiya sami maarihoai jatatamanitaatiwi otipipati awaipati kiyawaayowo. Awiwi ami kiya ipotihura kiyaami otipipati kiyohirihiretapi siyaati kiyahaayo undiwi Autaahaatihoai kaunditaatiwihiyaaso. Sahi kiyai atiwiwi kiyaami asimwaatitihipi pinuwise ami kiya maariwi usaayahiya windi maariho yamaawahiya kiyaami otipipati kaito. Sahi kiyaami otipipati nepi naanjhatemawaawaahi ami sandi sangi windi maasitatamanitaise.

¹⁸Nini sangi nasisenataayo Autaahaatiho nyangi nyatatamanati anditinyaiwitandi sahi nyapi gaapinyundiwise. Nyahi nyami maarihoatihapi Autaahaatihomi ndiheti nyahi kiyohiwaiwa nga kiyahaayono taati ginyunyainjihi mmonihaayo. Ami siyati nyami maarihoatihapi ginyunyainjitimandi ami Autaahaatiho maaritirihireti nyahi komi isihyaapi otipipati nga kiyahaawe. ¹⁹Nini sangi baindi nasisenataayo ami sahi nisapi baiwi gaapinunditaatiwo ami Autaahaatiho ningi sangisenda keti neti jahira natanoaasonihi nini napiti jasondando.

²⁰Nyami Awaisiho Jisasi Kiraisiho nyahi komi isihyaanini sipisipihomatiyaahiyaanangi Nyainjatisiho Watipihohi, Autaahaatiho komi isihiyaisati piwiha kaanihi jinjapihi ahotisiha wisasindihandi

(kondirakihandi) neti watipimaitandi komi jitipati nuhaataise. Nuhoaasihi Autaahaatiho koai animwaahipatombi japihi ahowimataise. Iyataati so ko Autaahaatimo maariho napaisaatitindihandami tanyaahore. ²¹ Ko siyati maariho napaisihomi tanyaahosi, Autaahaatiho maaritimbipa gaahapa nahataapa kaiwi ami koai atiwiwi komi asimwaatitih pinutaatiwi kapa neti samihetemati sangi neti tisamanati anditisaiwane. Iyonihi ami Jisaasi Kiraisiho Autaahaatiho maaritimbipa titihi kapa kaitaatiwi neti sangi anditisaiwane. Jisasi Kiraisiho konihi jinjapihi ambipati awaipati nepi none. Akite.

Piwiha Kata Owemati Ipotihaare

²² Nisi naisihiyaati nisataiwi Kiraisihopi giwunyaahohiyihiyaate, piwima kimaiwa nini sangi anditisaiwitandi jipatipiyohiwimaiwa baiwi yatih ipatisaniwi atitaatiwi nini sangi nasisenataayo ami kaiwa windi utaarihahiwaamaahe. ²³ Iyataati ami nyami naisoho nyamatiyati Kiraisihopi giwunyaasiho ami ningi anditiniwati Kiraisihomi otipipati sahi komi isihyaatapi maasi kiyotiho Timotehoai aimi nupusoasauhi ko napwitati bimimbipih namasi nehahaati noaipase. Isi ami ko keti nasati kimbih ningi ninjahonaahi maisihoanji nutasi nasaha sangi jainjaito.

²⁴ Iyataati ami nini sami awaisawihiya Kiraisihomi otipipatihya sangi jainjatohiyihya nahatiaisuni ami sahi Kiraisihomi isihyaati nahatyaatangsuni gaahuraare satataato. Iyataati ami Kiraisihomi isihya yapipati Itarihandaahapihiyaisangi sangisi gaahuraare satawaatopo.

²⁵ Autaahaatiho komi gaahandi sangi kasisati nasanyane.